


柳田文庫  
文庫11  
D 292  
31



文庫 11  
D 292  
31

宋史卷一百三十一

樂志第八十四

開府儀同三司上柱國錄軍國重事前中書右丞相監修國史顧經筵事都總裁脫脫等修

皇明朝列大夫國子監祭酒臣方從哲

承德郎右春坊右中允管國子監司業事臣黃汝良等奉

勅重校刊

樂六

光宗受禪崇上壽皇聖帝壽成皇后暨壽聖皇太后尊號壽皇樂用乾安壽聖壽成樂用坤安三殿慶札在當時侈為盛儀尋以禮部太常寺言國朝歲饗上帝太祖肇造王業則配冬饗于園丘太宗混一區宇則春祈穀

萬曆二十七年刊

宋史卷一百三十一

樂志

宋史卷一百三十一

010190564458

夏大雩秋明堂俱配焉高宗身濟大業功德茂盛所宜  
奉侑仰繼祖宗以協先儒嚴祖之議以彰文祖配天之  
烈乃季秋升侑于明堂奠幣用宗安之樂酌水用德安  
之樂金登歌作大呂宮及加上高宗徽號奉冊實以告  
用顯安之樂紹熙元年始行中宮冊禮發冊於文德殿  
皇帝升降御坐用乾安之樂持節展禮官出入殿門用  
正安之樂受冊于穆清殿皇后出就褥位用坤安至位  
用承安受冊實用咸安受內外命婦賀就坐用和安內  
命婦進行賀禮用惠安外命婦進行賀禮用咸安皇后  
降坐用徽安歸閣用太安冊實入殿門用宜安宋初立  
后自景祐始行冊命之禮元祐納后典章彌盛而六禮  
發冊書日樂備不作惟皇后入宣德門朝臣班迎鳴鐘  
鼓而已崇寧中乃陳宮架用女工皇后升降行止金以  
樂爲節至紹興復製樂以重禋翟詔執色勿用女工令  
太常止於門外設樂隆興冊禮時則國樂未舉淳熙始  
遵用之而紹熙敷賁舊典於此特加詳備紹興樂奏仲  
呂宮仲呂爲陰紹興樂奏太簇宮太簇爲陽用樂同而  
揆律異焉明年郊祀太常耿秉奏致敬鬼神以禮樂爲  
本樂欲其備音欲其和今所用雷鼓之屬正所以祀天  
致神而皮革虛緩聲不能振應登歌大樂樂器及樂舞

工人冠服有積歲久而損弊者宜葺新之太常在籍樂工不給於役召募百姓罕能習熟郊祀事重其樂工親扈乘輿和樂雅奏期以接天地享祖宗請優其日廩以籍田司錢給之樂藝稍精仍加賞勸其緣託權要送名充數者嚴戢絕之又言大禮前期皇帝朝饗太廟別廟內安穆安恭皇后二室前此係大臣分詣行事今既親詣室裸其酌獻升殿所奏樂曲恐不相協宜命有司更製皆從之寧宗卽位孝宗升祔祧僖祖立別廟禮官言僖祖既做唐興聖立爲別廟遇祫則卽廟以饗孟冬祫饗日合先詣僖祖廟室行禮其樂舞欲依每歲別廟五饗設樂禮例於僖祖添設登歌樂如僖廟行禮就廟殿依次作登歌樂其宮架樂則於太廟殿上通作詔從之既而臣僚言皇帝因重明聖節詣壽康宮上壽舉樂仰體聖主事親盡孝之志俯遂臣子尊君親上之忱此國家典禮之大者也檢照典故天申節賜御筵在上壽次日今乃於前一日賜文武百僚宴重明上壽用樂攸始而臣下聽樂乃在君父之先義有未安遂命改用次日凡奉上冊寶于慈福壽康宮者再備樂行禮一用乾道舊制尋御文德殿制冊皇后有司請設宮架之樂依儀施行慶元六年瑞慶節金使至以執光宗慈懿皇后喪

詔就駟賜御筵金不作樂嘉定二年明堂大饗禮部尚書章穎奏太常工籍闕少率差借執役當親行薦饗或容不根游手出入殿庭非所以肅儀衛嚴禁防也乞申紹興開僖已行禁令不許用市井替名顯示懲戒庶俾駿奔之人小大嚴潔以稱精禋臣僚又奏郊祀登歌列于壇上筵于上龕蓋在天地祖宗之側也宮架列于午階下則百神所同聽也夫樂音莫尚於和今絲竹管絃類有闕斷拊搏佾舞賤工窶人徃徃垢翫摻雜宜申嚴以肅祀事皆俞其請至十四年詔山東河北連城慕義殊俗效順奉玉寶來獻其文曰皇帝恭膺天命之寶實惟我祖宗之舊乃明年元日上御大慶殿受寶用鼓吹導引備陳宮架大樂奏詩三章一曰恭膺天命二曰舊疆來歸三曰永清四海金奏以太簇宮理宗享國四十餘年凡禮樂之事式遵舊章未嘗有所改作先是孝宗廟用大倫之樂光宗廟用大和之樂至是寧宗祔廟用大安之樂紹定三年行中宮冊禮金用紹熙元年之典及奉上壽明仁福慈睿皇太后冊寶始新製樂曲行事當時中興六七十載之間士多嘆樂典之久墜類欲蒐講古制以補遺軼於是姜夔乃進大樂議于朝夔言紹興大樂多用大晟所造有編鐘罇鐘景鐘有特磬玉磬

編磬三鍾三磬未必相應埴有大小簫箎遂有長短笙  
竿之簧有厚薄未必能合度琴瑟絃有緩急燥濕軫有  
旋復柱有進退未必能合調總衆音而言之金欲應石  
石欲應絲絲欲應竹竹欲應匏匏欲應土而四金之音  
又欲應黃鐘不知其果應否樂曲知以七律爲一調而  
未知度曲之義知以一律配一字而未知永言之旨黃  
鐘奏而聲或林鐘林鐘奏而聲或太簇七音之協四聲  
各有自然之理今以平入配重濁以上去配輕清奏之  
多不諧協八音之中琴瑟尤難琴必每調而改絃瑟必  
每調而退柱上下相生其理至妙知之者鮮又琴瑟聲  
微常見蔽於鐘磬鼓瑟之聲匏竹土聲長而金石常不  
能以相待往往考擊失宜消息未盡至於歌詩則一句  
而鐘四擊一字而竿一吹未協古人槁木貫珠之意況  
樂工苟焉古籍擊鐘磬者不知聲吹匏竹者不知穴操  
琴瑟者不知絃同奏則動手不均迭奏則發聲不屬比  
年人事不和天時多忒由大樂未有以格神人召和氣  
也宮爲君爲父商爲臣爲子宮商和則君臣父子和睦  
爲火羽爲水南方火之位北方水之宅常使水聲衰火  
聲盛則可助南而抑北宮爲夫徵爲婦商雖父宮實徵  
之子常以婦助夫子助母而後聲成文徵盛則宮唱而

有和商盛則徵有子而生生不窮休祥不召而自至災  
害不祲而自消聖主方將講禮郊見願詔求知音之士  
考正太常之器取所用樂曲條理五音櫜括四聲而使  
協和然後品擇樂工其上者教以金石絲竹匏土詩歌  
之事其次者教以曼擊干羽四金之事其下不可教者  
汰之雖古樂未易遽復而追還祖宗盛典實在茲舉其  
議雅俗樂高下不一宜正權衡度量自尺律之法亡於  
漢魏而十五等尺雜出於隋唐正律之外有所謂倍四  
之器銀字中管之號令大樂外有所謂下宮調下宮調  
又有中管倍五者有曰羗笛孤笛曰雙韻十四弦以意  
裁聲不合正律繁數悲哀棄其本根失之太清有曰夏  
笛鷓鴣曰胡盧琴渤海琴沉滯抑鬱腔調含糊失之太  
濁故聞其聲者性情蕩於內手足亂於外禮所謂慢易  
以犯節流洒以忘本廣則容姦狹則思欲者也家自爲  
權衡鄉自爲尺度乃至於此謂宜在上明示以好惡凡  
作樂製器者一以太常所用及文思所頒爲準其他私  
爲高下多寡者悉禁之則斯民順帝之則而風俗可正  
其議古樂止用十二宮周六樂奏六律歌六呂惟十二  
宮也王大食三侑注云朔日月半隨月用律亦十二宮  
也十二管各備五聲合六十聲五聲成一調故十二調

古人於十二宮又特重黃鐘一宮而已齊景公作徵招角招之樂師涓師曠有清商清角清徵之操漢魏以來燕樂或用之雅樂未聞有以商角徵羽爲調者惟迎氣有五引而已隋書云梁陳雅樂並用宮聲是也若鄭譯之八十四調出於蘇祇婆之琵琶大食小食般涉者胡語伊州石州甘州婆羅門者胡曲綠腰誕黃龍新水調者華聲而用胡樂之節奏惟瀛府獻仙音謂之法曲卽唐之法部也凡有催衮者皆胡曲耳法曲無是也且其名八十四調者其實則有黃鐘太簇夾鐘仲呂林鐘夷則無射七律之宮商羽而已於其中又闕太簇之商羽焉國朝大樂諸曲多襲唐舊竊謂以十二宮爲雅樂周制可舉以八十四調爲宴樂胡部不可雜郊廟用樂咸當以宮爲曲其間皇帝升降盥洗之類用黃鐘者群臣以太簇易之此周人王用王夏公用鷺夏之義也其議登歌當與奏樂相合周官樂奏取陰陽相合之義歌者登歌徹歌是也奏者金奏下管是也奏六律主乎陽歌六呂主乎陰聲不同而德相合也自唐以來始失之故趙慎言云祭祀有下奏太簇上歌黃鐘俱是陽律旣違禮經抑乖會合今太常樂曲奏夾鐘者奏陽歌陰其合宜歌無射乃或歌太呂奏函鐘者奏陰歌陽其合宜歌



蕤賓乃或歌應鐘奏黃鐘者奏陽歌陰其合宜歌大呂  
乃雜歌夷則夾鐘仲呂無射矣苟欲合天人之和此所  
當改其議祀享惟登歌徹豆當歌詩古之樂或奏以金  
或吹以管或吹以笙不必皆歌詩周有九夏鐘師以鐘  
鼓奏之此所謂奏以金也大祭祀登歌既畢下管象武  
管者簫篪遂之屬象武皆詩而吹其聲此所謂吹以管  
者也周六笙詩自南陔皆有聲而無其詩笙師掌之以  
供祀饗此所謂吹以笙者也周升歌清廟徹而歌雍詩  
一大祀惟兩歌詩漢初此制未改迎神曰嘉至皇帝入  
曰永至皆有聲無詩至晉始失古制既登歌有詩夕牲  
有詩饗神有詩迎神送神又有詩隋唐至今詩歌愈富  
樂無虛作謂宜倣周制除登歌徹歌外繁文當刪以合  
于古其議作鼓吹曲以歌祖宗功德古者祖宗有功德  
必有詩歌七月之陳王業是也歌於軍中周之愷樂愷  
歌是也漢有短簫鏡歌之曲凡二十二篇軍中謂之騎  
吹其曲曰戰城南聖人出之類是也魏因其聲製爲克  
官渡等曲十有二篇晉亦製爲征遼東等曲二十篇唐  
柳宗元亦嘗作爲鏡歌十有二篇述高祖太宗功烈我  
朝太祖太宗平僭僞一區宇真宗一戎衣而却契丹仁  
宗海涵春育德如堯舜高宗再造太功上儷祖宗碩詔

文學之臣追述功業之盛作爲歌詩使知樂者協以音律領之太常以播于天下夔乃自作聖宋饒歌曲宋受命曰上帝命平上黨曰河之表定維揚曰淮海清取湖南曰沅之上得荊州曰皇威暢取蜀曰蜀土遂取廣南曰時雨霑下江南曰望鐘山吳越獻國曰大哉仁漳泉獻土曰詎歌歸克河東曰伐功繼征澶淵曰帝臨墉美仁治曰維四葉歌中興曰炎精復凡十有四篇上于尚書省書奏詔付太常然夔言爲樂必定黃鍾迄無成說其議今之樂極爲詳明而終謂古樂難復則於樂律之源有未及講其後朱熹深悼先生制作之湮泯與其友

武夷蔡元定相與講明反覆參訂以究其歸極熹在慶元經筵嘗草奏曰自秦滅學禮樂先壞而樂之爲教絕無師受律尺短長聲音清濁學士大夫莫知其說而不知其爲闕也望明詔許臣招致學徒聚禮樂諸書編輯別爲一書以補六藝之闕後修禮書定爲鐘律樂制等篇垂憲言以貽後人蓋宋之樂議因時迭出其樂律高下不齊俱有原委建隆初用王朴樂藝祖一聽嫌其太高近於哀思詔和峴考西京表尺令下一律比舊樂始和暢至景祐皇祐間訪樂議樂之詔屢頒於是命李照改定雅樂比朴下三律照以縱黍累尺雖律應古樂而

所造鐘磬才中太簇樂與器自相矛盾阮逸胡瑗復定議止下一律以尺生律而黃鐘律短所奏樂聲復高元豐中以楊傑條樂之庇召范鎮劉几參定几傑所奏下舊樂三律范鎮以爲聲雜鄭衛且律有四釐六毫之差太簇爲黃鐘宮商易位欲求真黍以正尺律造樂來獻復下李照一律至元祐廷奏而詔獎之初鎮以房庶所得漢書其言黍律異於他本以大府尺爲黃帝時尺司馬光力辨其不然鎮以周黼漢斛爲據光謂黼本者工所記斛本劉歆所作非經不足法鎮以所收開元中笛及方響合於仲呂校太常樂下五律教坊樂下三律光謂此特開元之仲呂未必合於后夔力止鎮勿奏所爲樂光與鎮平生大節不謀而同惟鐘律之論往返爭議凡三十餘年終不能以相一是時濂洛關輔諸儒繼遠近派聖傳義理精究周惇頤之言樂有曰古者聖王制禮法修教化三綱正九疇叙百姓太和萬物成若乃作樂以宣八風之氣樂聲淡而不傷和而不淫淡則欲心平和則躁心釋德盛治至道配天地古之極也後世禮法不修刑政苛紊代變新聲導欲增悲故有輕生敗倫不可禁者矣樂者古以平心今以助欲古以宣化今以長怨不復古禮不變今樂而欲至治者遠哉程頤有曰

律者自然之數先王之樂必須律以考其聲尺度權衡之正皆起於律律管定尺以天地之氣爲準非秬黍之比也律取黃鐘黃鐘之聲亦不難定有知音者參上下聲考之自得其正張載有曰聲音之道與天地通蠶吐絲而商弦絕木氣盛則金氣衰乃此理自相應今人求古樂太深始以古樂爲不可知律呂有可求之理惟德性深厚者能知之此三臣之學可謂窮本知變達樂之要者矣熹與元定蓋深講於其學者而研覃真積述爲成書元定先究律呂本原分其篇目又從而證辨之

黃鐘篇曰天地之數始於一終於十其一三五七九爲

陽九者陽之成也其二四六八十爲陰十者陰之成也黃鐘者陽聲之始陽氣之動也故其數九分寸之數具于聲氣之先不可得而見及斷竹爲管吹之而聲和候之而氣應而後數始形焉均其長得九寸審其圍得九分積其實得八百一十分長九寸圍九分積八百一十分是爲律本度量權衡於是而受法十一律由是損益焉其證辨曰古者考聲候氣皆以聲之清濁氣之先後求黃鐘也夫律長則聲濁而氣先至律短則聲清而氣後至極長極短則不成聲而氣不應今欲求聲氣之中而莫適爲準莫若且多截竹以擬黃鐘之管或極其短或極其長長短之內每差一分而爲一管皆即以其長權爲九寸而度圍徑如黃鐘之法焉更迭以吹則中聲可得淺深以列則中氣可驗苟聲和氣應則黃鐘之爲黃鐘者信矣黃鐘信則十一律與度量權衡者得矣

後世不知出此而惟尺之求晉氏而下多求之金石  
隋以來又參之秬黍至王朴專待累黍金石亦不復考  
夫金石真偽固難盡信而秬黍長短大小不同尤不可  
恃古人謂子穀秬黍中者實其籥是先得黃鐘而後度  
之以黍以見周徑之度以生度量權衡之數而已非律  
生於黍也百世之下欲求百世之前之律者亦求之聲  
氣之元而毋必之矣黃鐘生十一律篇曰子寅辰午申戌  
六陽辰皆下生丑卯巳未酉亥六陰辰皆上生陽數以  
倍者三分本律而損其一也陰數以四者三分半律而  
增其一也六陽辰當位自得六陰位以居其衝其林鐘  
南呂應鐘三呂在陰無所增損其大呂夾鐘仲呂三呂  
在陽則用倍數方與十二月之氣相應蓋陰陽自然之  
理也其證辨曰按呂氏淮南子與司馬氏律書漢前古  
不同辨大呂夾鐘仲呂用倍數則一然呂氏淮南

不過以數之多寡為生之上下律  
呂陰陽錯亂而無倫非其本法也 十二律篇曰按十二  
律之實約以寸法則黃鐘林鐘太簇得全寸約以分法  
則南呂姑洗得全分約以釐法則應鐘蕤賓得全釐約  
以毫法則大呂夷則得全毫約以絲法則夾鐘無射得  
全絲約至仲呂之實十三萬一千七十二以三分之不  
盡二筭其數不行此律之所以止於十二也其證辨曰  
黃鐘為十  
二律之首他律無大於黃鐘故其正聲不為他律役至  
於大呂之變宮夾鐘之羽仲呂之徵蕤賓之變徵夷則  
之角無射之商自用變律半聲非復黃鐘矣此其所以  
最尊而為君之象然亦非人所能為乃數之自然他律  
雖役之而不可得也此一節最  
為律呂旋宮用聲之綱領也 變律篇曰十二律各自  
為宮以生五聲二變其黃鐘林鐘大簇南呂姑洗應鐘

六律則能具足至蕤賓大呂夷則夾鐘無射仲呂六律則取黃鐘林鐘太簇南呂姑洗應鐘六律之聲少下不和故有變律律之當變者有六黃鐘林鐘太簇南呂姑洗應鐘變律者其聲近正律而少高於正律然後洪纖

高下不相奪倫變律非正律故不為宮其證辨曰十二律循環相生而

世俗不知三分損益之數往而不返仲呂再生黃鐘止得八寸七分有奇不成黃鐘正聲京房覺其如此故仲呂再生別名執始轉生四十八律不知變律之數止於六者出於自然不可復加雖強加之亦無所用也房之所傳出於焦氏焦氏卦氣之學亦去四而為六十故其律律必求合此數不知數之自然在律不可增於卦不可減也何承天劉焯譏房之病乃欲增林鐘已下十一律之分使至仲呂反生黃鐘還得十七萬七千一百四十一之數則是惟黃鐘一律成律他十一律律生五聲篇首不應三分損益之數其失又甚於房

曰宮聲八十一商聲七十二角聲六十四徵聲五十四

羽聲四十八按黃鐘之數九九八十一是為五聲之原

三分損一以下生徵徵三分益一以上生商商三分損

一以下生羽羽三分益一以上生角至角聲之類六十

四以三分之不盡一筭數不可行此聲之數所以止於

五也其證辨曰通典曰黃鐘為均用五聲之法以下十

五聲合為六十聲是十二律之正聲也夫黃鐘一均之數而十一律於此取法為以十二律之宮長短不同而其臣民事物尊卑莫不有序而不相亂良以是耳沈括不知此理乃以為五十四在黃鐘為徵在夾鐘為角在仲呂為商者其亦誤矣俗樂之有清聲畧知此意但不知仲呂反生黃鐘黃鐘又次林鐘再生太簇皆為變律已非黃鐘太簇之清聲耳胡瑗於四清聲皆小其圍徑則黃鐘太簇二聲雖合而大呂夾鐘二聲又非半律之

半且自夷則至應鐘四律皆以次而小其徑圍以繩之  
遂使十二律五聲皆有不得其正者李照范鎮止用十  
二律則又未知此理蓋樂之和者在於一分損益樂之  
辨者在於上下相生若李照范鎮之法其合於三分損  
益百則和矣自夷則已降其臣民事物豈能尊卑有辨  
而不相凌犯乎晉荀勗之笛梁武帝之通皆不知而作  
也者變聲篇曰變宮聲四十二變徵聲五十六五聲宮與  
商商與角徵與羽相去各一律至角與徵羽與宮相去  
乃二律相去一律則音節和相去二律則音節達故角  
徵之間近徵收一聲比徵少下故謂之變徵羽宮之門  
近宮收一聲少高於宮故謂之變宮角聲之實六十有  
四以三分之不盡一等既不可行當有以通之聲之變  
者二故置一而兩三之得九以九因角聲之實六十有  
四得五百七十六三分損益再生變徵變宮二聲以九  
歸之以從五聲之數存其餘數以為疆弱至變徵之數  
五百一十二以三分之又不足二筭其數又不行此變  
聲所以止於二也變宮變徵宮不成宮徵不成徵淮南  
子謂之和謬所以濟五聲之不及也變聲非正聲故不  
為謬其證辨曰宮羽之間有變宮角徵之間有變徵此  
也然五聲者正聲故以起調畢曲為諸聲之綱至二變  
聲則不比於正音但可濟其所不及而已然有五聲而  
無二變亦不八十四聲篇曰黃鐘不為他律役所用七  
聲皆正律無空積忽微自林鐘而下則有半聲大呂太  
簇一半聲夾鐘姑洗二半聲蕤賓林鐘四半聲夷則南

呂五半聲無射應鐘爲六半聲中呂爲十二律之窮三  
變聲也自蕤賓而下則有變律蕤賓一變律大呂二變  
律夷則三變律夾鐘四變律無射五變律中呂六變律  
也皆有空積忽微不得其正故黃鐘獨爲聲氣之元雖  
十二律八十四聲皆黃鐘所生然黃鐘一均所謂純粹  
中之純粹者也八十四聲正律六十三變律二十一六  
十三者九七之數也二十一者三七之數也六十調篇  
曰十二律 相爲宮各有七聲合八十四聲宮聲十二  
商聲十二角聲十二徵聲十二羽聲十二凡六十聲爲  
六十調其變宮十二在羽聲之後宮聲之前變徵十二

在角聲之後徵聲之前宮徵皆不成凡二十四聲不可  
爲調黃鐘宮至夾鐘羽金用黃鐘起調黃鐘畢曲大呂  
宮至姑洗羽金用大呂起調大呂畢曲太簇宮至仲呂  
金用太簇起調太簇畢曲夾鐘宮至蕤賓羽金用夾鐘  
起調夾鐘畢曲姑洗宮至林鐘羽金用姑洗起調姑洗  
畢曲仲呂宮至夷則羽金用仲呂起調仲呂畢曲蕤賓  
宮至南呂羽金用蕤賓起調蕤賓畢曲林鐘宮至無射  
羽金用林鐘起調林鐘畢曲夷則宮至應鐘羽金用夷  
則起調夷則畢曲南呂宮至黃鐘羽金用南呂起調南  
呂畢曲無射宮至大呂羽金用無射起調無射畢曲應



鐘宮至太簇羽金用應鐘起調應鐘畢曲是為六十調  
 六十調即十二律也十二律即一黃鐘也黃鐘生十二  
 律十二律生五聲二變五聲各有紀綱以成六十調六  
 十調皆黃鐘損益之變也宮商角三十六調老陽也其  
 徵羽二十四調老陰也調成而陰陽備也或曰日辰之  
 數由天五地六錯綜而生律呂之數由黃鐘九寸損益  
 而生二者不同至數之成則日有六甲辰有五子為六  
 十日律呂有六律五聲為六十調若合符節何也曰即  
 所謂調成而陰陽備也夫理必有對待數之自然也以  
 天五地六合陰與陽言之則六甲五子究於六十其三  
 十六為陽二十四為陰以黃鐘九寸紀陽不紀陰言之  
 則六律五聲究於六十亦三十六為陽二十四為陰蓋  
 一陽之中又自有陰陽也非知天地之化育者不能與  
 於此其證辨曰禮運五聲六律十二管還相為宮孔氏  
 疏曰黃鐘為第一宮至仲呂為第十二宮各有五  
 聲凡六十聲聲者所以起調畢曲為諸聲之綱領夫禮  
 運所謂還相為宮也周禮大司樂祭祀不用商推宮角  
 徵羽四聲古人變宮變徵不為調左氏傳曰中聲以降  
 五降之後不容彈矣以二變聲之不可為調也後世以  
 變宮變徵參而為八  
 十四調其亦不考矣侯氣篇曰以十一律分配節氣按  
 曆而俟之其氣之升分毫絲忽隨節各異夫陽生於復  
 陰生於姤如環無端今律呂之數三分損益終不復始  
 何也曰陽之升始於子午雖陰生而陽之升於上者未

已至亥而後窮上反下陰之升始于午子雖陽生而陰升於上亦未已至巳而後窮上反下律於陰則不書故終不復始也是以升陽之數自子至巳差疆在律爲九疆在呂爲差弱自午至亥漸弱在律爲九弱在呂爲差疆分數多寡雖若不齊然而絲分毫別各有條理此氣之所以飛灰聲之所以中律也或曰易以道陰陽而律不書陰何也曰易盡天下之變善惡無不備律致中和之用止於至善者也以聲音之大而至於雷霆細而至於蟻蠓無非聲也易則無不備也律則寫其所謂黃鐘一聲而已雖有十二律六十調然實一黃鐘也是理也

在聲爲中聲在氣爲中氣在人則喜怒哀樂未發與發

而中節此聖人所以一天人贊化育之道也其證辨曰

之動陽聲之始必聲和氣應然後可以見天地之心今不此之務乃區區於律黍之縱橫古律之大小其亦難矣然非精於曆數則氣節亦未易正至於審度量謹權衡會粹古今辨析

尤詳皆所以參伍而定黃鐘爲中聲之符驗也朱熹深好其書謂國家行且平定中原必將審音協律以諧神人受詔典頌之臣宜得此書奏之以備東都郊廟之樂熹定鐘律詩樂樂制樂舞等篇彙分於所修禮書中皆聚古樂之根源簡約可觀而鐘律分前後篇其前篇爲條凡七一曰十二律陰陽辰位相生次第之圖二曰十

二律寸分釐毫絲忽之數三日五聲五行之象清濁高下之次四曰五聲相生損益先後之次五曰變宮變徵二變相生之法六曰十二律正變倍半之法七曰旋宮八十四聲六十調之圖其後篇為條凡六一曰明五聲之義二曰明十二律之義三曰律寸舊法四曰律寸新法五曰黃鐘分寸數法六曰黃鐘生十律數大槩率采元定所著更互演繹尤為明遠其樂制彙于王朝禮其樂舞彙于祭禮上下千載旁搜遠紹昭示前聖禮樂之非迂而將期古樂之復見於今熹蓋深致意焉其詩樂篇別系于後

宋史卷一百三十一終

宋史卷一百三十二

樂志第八十五

開府儀同三司上柱國錄軍國重事前中書右丞相監修國史領經筵事都總裁脫脫等脩  
皇明朝列大夫國子監祭酒臣方從哲

承德郎右春坊右中允管國子監司業事臣黃汝良等奉

勅重校刊

樂七 樂章一

郊祀

祈穀

雩祀

五方帝

感生帝

建隆郊祀八曲

降神高安 在國南方時維就陽以祈帝祉式致民康

豆籩鼎俎金石絲簧禮行樂奏皇祚無疆

萬曆二十七年刊

宋史卷一百三十二

樂志

皇帝升降隆安 步武舒遲陞壇肅祇其容允若干禮

攸宜

奠玉幣嘉安 嘉玉制幣以通神明神不享物享于克

誠

奉俎豐安 笙鏞備樂繭栗陳牲乃迎芳俎以薦高明

酌獻禧安 丹雲之爵金龍之杓梔于尊罍是曰清酌

飲福禧安 潔茲五齊酌彼六尊致誠斯至幸禮彌敦

一以介景福永隆後昆重熙累洽帝道攸尊

亞獻終獻正安 謂天蓋高其聽孔卑聞樂歆德介以

福禧

送神高安 倏兮而來忽兮而迴雲馭杳邈天門洞開

咸平親郊八首

降神高安 園丘何方在國之陽禮神合祭運啓無疆

祖考來格籩豆成行其儀肅肅降福穰穰

皇帝升降隆安 禮備樂成乾健天行帝容有穆佩玉

鏘鳴

奠玉幣嘉安 定位祀告于神明嘉玉量幣享于克

誠

奉俎豐安 有牲斯純有俎斯陳進于上帝昭報深仁

酌獻禧安 大報于帝盛德升聞醴齊良潔粢盛苾芬

飲福禧安 祀帝園丘九州獻力禮行于郊百神受職

靈祇格思享我明德天鑒孔章玄祉昭錫

亞獻終獻正安 羽籥云罷于成載揚接神有恪錫美

無疆

送神高安 神駕來思風舉雲飛神馭歸止天空露晞

景祐親郊三聖並侑二首

奠幣廣安 千齡啓運二后在天嘉壇並侑億萬斯年

酌獻彰安 皇基締構帝系靈長射薦鬱鬯子孫保昌

常祀二首

太祖配位奠幣定安 翕受駿命震疊羣方侑祀上帝

德厚流光

酌獻英安 誕受靈符肇基丕業配享潔尊永隆萬葉

元符親郊五首

餘同平成凡闕者皆用舊記

降神景安

六變辭同

無為靡遠深厚廣圻祭神恭在

弁冕衮衣粢盛豐美明德馨輝以祥以佑非耿專祈

升降乾安

疊洗飲福並奏

神靈擁衛景從雲隨玉色溫粹天

步舒遲周旋陟降皇心肅祇千靈是保百福攸宜

退文舞迎武舞正安 左手執籥右手秉翟進旅退旅

萬舞有奕

徹豆熙安 陟彼郊丘大祀是承奠豆孔庶其香始升

上帝時歆以我齊明卒事而徹福祿來成

送神景安 馨遺八尊器空二簋至祝至虔穹祗貺社

政和親郊三首

皇帝升降乾安 因山為高爰陟其首玉趾躩如在帝

左右帝謂我王予懷仁厚眷言顧之永綏九有

配位酌獻大寧 於穆文祖妙道九德默契靈心肇基

王迹啓佑後人垂裕罔極合食昭薦孝思維則

於皇順祖積德累祥發源深厚不耀其光基天明命厥

厚克昌是孝是享申錫無疆

高宗建炎初國步尚艱乃詔有司天帝地祗及他大祀

先以時舉大常尋奏近已增募樂工千羽奠虞亦備

始循舊禮用登歌樂舞其祀昊天上帝

降神用景安園鍾為宮三奏 蒐講上儀式修苾祀日

吉辰良禮成樂備風馭雲旗聿來歆止嘉我馨德介

茲繁祉

黃鍾為角一奏 我將我享滄選休成執事有恪惟寅

惟清樂既六變肅雍和鳴高高在上庶幾是聽

太簇為徵一奏 禮崇禋祀備物薦誠昭格穹昊明德

惟馨風馬雲車盼蠻居歆申錫無疆賚我思成

姑洗為羽一奏 惟天為大物始攸資恭承禋祀以報

以祈神不可度日監在茲有馨明德庶其格思

皇帝盥洗正安 靈承上帝厲意專精設洗于阼疊水

以清盥以致潔感通神明無遠弗届其饗茲誠

升壇正安 皇矣上帝神格無方一陽肇復典祀有常

豆登豐潔薦德馨香棗忱居歆降福穰穰

上帝位奠玉幣嘉安 治極發聞不瑕有芬嘉玉陳幣

神届欣欣誠心昭著欽恭無文以安以侑篤祐何垠

太祖位奠幣定安 茫茫蒼穹孰知其紀精意潜通雖

遠而適量幣薦誠有寶斯篚睠然顧之永錫繁祉

皇帝還位正安 典祀有常昭事上帝奉以告虔逮迄

奠幣鍾鼓既設禮儀既備神之格思恭承貺賜

捧俎豐安 祀事孔明禮文惟楙爰潔犧牲載登俎豆

或肆或將無聲無臭精禋潜通永綏我后

上帝西獻嘉安 氣萌黃鍾萬物資始欽若高穹吉蠲

時祀神 泰元增 無已羣生熙熙函蒙繁祉

太祖位酌獻英安 赫赫翼祖受命于天德邁三代威

加八埏陟配上帝明禋告虔流光垂裕於萬斯年

文舞退武舞進正安 大德曰生陰陽寒暑樂舞形容

于戚籥羽一弛一張退旅進旅神安樂之祉錫綿宇

亞終獻文安 惟聖普臨順皇之德典禮有彝享祀不

咸籩豆靜嘉降登盼飭神具醉止景貺咸集

徹豆肅安 內心齊誠外物蠲潔神來迪嘗俎豆既徹

燕及羣生靡或天闕降福穰穰時萬時億

送神景安 於赫上帝乘龍御天惟聖克事明饗斯虔

薦豆云徹靈森且旋載錫休祉其惟有年

望燎正安 靈承上帝精意感通馨香旁達粢盛既豐

登降有儀祀備樂終神之聽之福祿來崇

紹興十三年初舉郊祀命學士院製宮廟朝獻及園壇

行禮登明肆赦樂章凡五十有八至二十八年以臣

僚有請改定於是御製樂章十有三及徽宗元御製

仁宗廟樂章一共十有四篇餘則分命大臣與兩制

儒館之士一新撰述并懿節別廟樂曲凡七十有四

俱彙見焉其祀園丘

皇帝入中壝乾安 帝出于震巽惟齊明律曰姑洗以

示潔清我交于神蠲意必精既盥而往祈鑿新誠

降神景安 陽動黃宮日旋南極天門蕩蕩百神受職

爰熙紫壇煥黃殊色神哉沛來蓋親有德

盥洗乾安 帝顯明德監于克誠齊戒滌濯式示潔清

郊丘合祛享意必精既盥而薦熙事備成

升壇乾安 帝臨崇壇媪神其從稽古合祛並侑神宗



升階奠玉誠意感通貺施鼎來受福無窮

昊天上帝位奠玉幣嘉安御製 上穹昊天日星垂曜照

臨下土王國是保維玉與帛寅恭昭報永左右之欽  
若至道

皇地祇位奠玉幣嘉安御製 至哉坤厚賸然止靜柔載

動植資始成性玉光幣色璨若其映式恭禋祀有邦  
之慶

太祖皇帝位奠幣廣安御製 明明翼祖並侑泰壇肇造

綿宇王業孔艱表正封略上際下蟠躬以大報亦止  
于燿

太宗皇帝位奠幣化安御製 赫赫巍巍及時純熙昊天

成命后則受之登邁邃古光被聲詩有幣陟配孫謀  
所貽

降壇乾安 躬展盛儀天步逡巡樂備禮交嘉玉既陳

神方安坐薦祉紛綸陟降有容皇心載勤

還位乾安 克昭王業命成昊天泰時禋燎八陛惟圓

肅然威儀登降周旋是謂精享神監吉蠲

奉俎豐安 至大惟天云何稱德展誠致薦牲用博碩

誠以牲寓帝由誠格居歆降祥時萬時億

再詣盥洗乾安 帝出于震巽惟潔齊神明其德迺稱

禋柴惟茲吉蠲昭事聿懷重盟而祀敷錫孔皆

再升壇與初升同惟易奠玉作奠酌

昊天上帝位酌獻禧安

御製

謁款壇陞祇祀恭禋丘園

自然可格至神桂尊登酌嘉薦方新靡福菲眇敷佑

下民

皇地祇位酌獻光安

御製

厚德光大承元之明茲潛莘

吹升于昭清冰天桂海咸資化成恭酌彝醪報本惟精

太祖皇帝位酌獻彰安

御製

於赫皇祖創業立極肅肅

靈命蕩蕩休德嘉觴精潔雅奏金石丕顯神謨惟後

之則

太宗皇帝位酌獻韶安

御製

丕鑠帝宗復受天命羣陰

猶贖一戎大定奠鬯斯馨功歌在詠佑啓後人文軌

蚤正

還位乾安

肆類上帝懷柔百神彙稭既設珪幣既陳

精誠潛交已事而竣佑我億載基圖日新

入小次乾安

恭展美報聿脩上儀禮樂和節登降適

宜德焉斯親神靡不嫉海內承福式固邦基

文舞退武舞進正安

恭元尊臨富媪繫祉於皇祖宗

既昭格止奏舞象功靈其有喜永言孝思盡善盡美

亞獻正安

陽丘其高神祇並位既奠厥玉既奉厥醴

亦有嘉德克相 相旨酒載爵以成熙事 終獻同止 易再酌爲

三酌

出小次位乾安 爰熙紫壇天地並貺來燕來寧畢陳

鬱鬯承神至尊精意所鄉告靈饗奠祉福其暢

詣飲福位乾安 帝臨崇壇媪神其 祖宗並歆福祿

攸同兵寢刑措時和咸豐其應受之將施無窮 降壇同止

易將非以

飲福禧安 八音克諧降神出祇風馬雲車陟降在茲

錫我純嘏我應受之一人有慶燕及羣黎

還位乾安 帝出于震孝奏上儀燔燎羶薌神 燕娛

肅若舊典罔或不祇既右饗之翕受蕃釐

徹豆熙安 燎薌既升炳菅以潔于豆于登焜蒿有飶

紫幄煇黃神其安悅將以慶成薄言盍徹

送神景安 九霄眇邈神不可求何以降之監德之脩

三獻備成神不可留何以送之保天之休

望燎乾安 謂天蓋高陽噓而生日月列宿皆天之神

肆求厥類與陽俱升視燎于壇以終其勤

望燎乾安 謂地蓋厚陰翕而成社稷羣望皆地之靈

肆求厥類與陰俱凝視瘞于坎以終其勤

還大次乾安 舞具八佾樂備六成大矣孝熙厲意專

精已事而竣回軫還衡我應受之以莫不增

還內米茨 五輅鳴鑾八神警蹕天官景從莫不祇栗  
祲威盛容昭哉祖述祚我無疆叶氣克溢

寧宗郊祀二十九首

皇帝入中壇乾安 合祀丘澤登侑祖宗顧諟惟精靈

承惟恭有嚴皇儀有莊帝容監于克誠肅肅雍雍

降神景安圓鍾爲官 天門蕩蕩雲車陰陰百神咸稜

三靈顧歆神哉來娛神哉溥臨饗時宋德翼翼小心

黃鍾爲角 華蓋旣動紫微洞開星樞周旋日車徘徊

靈兮顧佑靈兮沛來載燕載娛式時壇垓

太簇爲

恭尊媪釐祖功宗德辰躔陪營嶽瀆受職

神哉來下神哉來格饗德惟馨留虞嘉席

姑洗爲羽 金石宣昭羽旄紛綸潔火夕照明水夜陳

娛哉惟靈娛哉惟神風馬招搖惟德之親

皇帝盥洗乾安 皇帝儉勤盥用陶瓦禮神頌祗奠幣

獻 月鑑陰肅醴液融冶挹彼注茲禮無違者

升壇乾安 崇臺穹窿高靈下墮慶陰彷彿從坐噤哦

宵昇于丘時通權火維天之命百祿是荷

降壇 帝饗于郊一精二純紫觚陟降嘉玉妥陳神方

留娛瑞貺紛綸申錫無疆螽斯振振

還位 肅肅禮度銷銷宮奏天行徐謐皇儀昭懋光連  
重璧物備簋豆於皇以饗無聲無臭

尚書奉俎 列俎孔陳嘉籩維實鼎堪陽籩玉流星液  
我牲既碩我薦既苾神監下昭安坐翔吉

再詣盟洗 帝澄初觴禮嚴再盥精明顯昭齊顒洞貫  
靈娛留俞神光炳煥我宋受福永壽於萬

再升壇 紫壇嶽立神光夜燭有儼旒采有鸞佩玉霄  
垠顧佑祖宗熙穆對越不忘俾爾戩穀

降壇乾安 夫容澄謐景氣晏和瓊竿薦醇銷璆時歌  
帝降庭止夜其如何神助之休宜爾衆多

還位乾安 甘露流英卿雲舒采靈俞有喜神光晻曖  
穆穆來蒞洋洋如在帝川居歆澤及四海

入小次乾安 聽惟饗德監惟斐忱顧謏思明靈承思  
欽求言端蒞肅對下臨上帝是皇母貳爾心

文舞退武舞進正安 羽籥陳容干戚按節德閑而泰  
功勞而決虞我神祇揚我謨烈盡美盡善福流有截

亞獻正安 帝臨中壇神從八陛華玉展瑞明馨薦醴  
亦有嘉德克相盛禮獻茲重觴降福瀾瀾

終獻正安 敬事天地升伯祖宗陳盥于三介觴之重  
秉德翼翼有來雍雍相予祀事福嘏日溶

出小次乾安 孝奏展成熙儀畢薦光流桂俎祥衍椒  
奠風管晨凝雲容天轉拜貺于郊右序詒燕  
請飲福位乾安 所饗惟清所飲惟馨靈喜留俞天景  
窈冥福祿來成福祿來寧皇用時歛壽我慈庭  
飲福禧安 瓚羊觶膠觥鬯氣氤有醴惟香有酒惟欣  
盼饗豐融懿懿芬芬我龍受之如川如雲  
降壇乾安 天錫多祉皇受五福言瞻瑤壇迄奉瑄玉  
昭星炳耀元氣回復帝儀載旋有嘉穆穆  
還位乾安 璇圖天深鼎文日輝慶流皇家象炳紫微  
乾回冕旒雲煥衣冠何千萬年式于九圖

尚書徹豆熙安

蘭豆既升簋簋既登禮備俎實饗貴

牲膳時乃告徹器用畢興祚我皇基介福是膺

送神景安

神輔有德來燕來娛禮薦熙成三靈逾釐

神饗有道言旋言歸福祉咸蒙百世本支

請望燎位乾安

莫神乎天陽嘘而生日月星辰皆乾

之精肆求厥類與陽俱升眡濼于壇展也大成

請望瘞位乾安

地載萬物陰翕而成山嶽河瀆皆坤

之靈克肖其象與陰俱凝眡瘞于坎思求厥成

還大次乾安

福方流胙祈方歛柴鹵簿載肅球架允

諧帝祉具臨皇靈允懷遙御于次降福孔皆

還內乾安 八神叮蹕千官景從回軫還衡履威盛容  
妥飾芝鳳御朝雲龍歸壽慈闈敷時民雍

景祐上辛祈穀仁宗御製二首

太宗配位奠幣仁安 天祚有開文德來遠祈穀日辛  
侑神禮展

酌獻紹安 於穆神宗惟皇永命薦醴六尊聲歌千詠  
紹興祈穀三首

降神盥洗升壇還位及上帝奠玉幣奉俎並同園丘

太宗位奠幣宗安 於穆思文克配上帝洎選休成遵  
揚嚴衛祇薦明誠肅陳量幣享茲吉蠲申錫來裔

上帝位酌獻嘉安 三陽肇新萬物資始精誠祇天其

聽斯邇願均雨暘田疇之喜如坻如京以備百禮

太宗位酌獻德安 天錫勇智允惟太宗功隆德盛與  
帝比崇禮嚴陟配誠達精衷尚其錫祉歲以屢豐

孟夏雩祀仁宗御製二首

太祖配坐奠幣獻安 昊天蓋高祀事爲大嚴配皇靈  
億福來介

酌獻感安 龍見而雩神之來格犧象精良威靈奕  
紹興雩祀一首

上帝位酌獻嘉安 蒼蒼昊穹覆臨下土欽惟歲事民

所依怙爰竭精虔禮典斯舉甘澤以時介我稷黍  
冬至孟春孟夏季秋四祀上公攝事七首

降神景安二章 天何言哉至清而健默定幽贊降神  
福善夙設園壇恭陳嘉薦貞馭下臨儲休錫美

生物之祖興益之宗于國之陽以禋昊穹六變降神於  
論鼓鍾親德享道錫美無窮

太尉行正安 禮經之重祭典爲宗上公攝事登降彌  
恭庶品豐潔令儀肅雍百神萃止惟吉之從

司徒奉俎豐安 禮崇禋祀神鑒孔明牲牲博膾以包  
以烹馨香蠲潔品物惟精錫以純嘏享茲至誠

飲福廣安 簠簋旣陳吉蠲登薦洗心防邪肅祗祭典  
陟降惟寅籩豆有踐百福咸宜淳耀丕顯

亞終獻文安 秩秩禮文肅肅嚴祀仰洽神 式協民  
紀灌獻有容叙其俎簋明德惟馨以介丕祉

送神景安 帝臨中壇肅恭禋祀靈景舒光飛龍旋軌  
送神有章神心具醉輔德惟仁永錫元祉

景德以後祀五方帝十六首  
青帝降神高安 六變 四序伊始三陽肇新氣迎東郊蟄

戶咸春功宣播殖澤被生民祝史正辭昭事惟寅  
奠玉幣酌獻並用嘉安 條風始至盛德在木平秩東



作種獻種穆律應青陽氣和玉燭惠彼兆民以介景

福

送神高安

備物致用薦羞神明禮成樂舉克享克禋

酌獻祐安

條風斯應候曆維新陽和啓蟄品物皆春

箎簧協奏簞簋畢陳精羞豐薦景福攸臻

赤帝降神高安

長羸戒序候正南訛功資蕃育氣應

清和鼎實嘉俎樂備登歌神其來享降福孔多

奠玉幣酌獻嘉安

景祐用祐安辭亦不同

象分離位德配炎精

景風協律化神含生百嘉茂育乃順高明神無常享

享于克誠

送神高安

邊豆有踐黍稷惟馨禮終三獻神歸杳冥

黃帝降神高安

坤輿厚載黃裳元吉宅中居正舍章

抱質分王四季其功靡秩育此羣生首茲六律

奠玉幣酌獻嘉安

景祐用祐安辭亦不同

中央定位厚德惟新

五行攸正四氣爰均笙鏞以間簞簋斯陳爲民祈福

肅奉明禋

送神高安

上德居中方輿配位樂以送神式申昭事

白帝降神高安

西顛騰晶天地始肅盛德在金百嘉

茂育曠弩射牲築場登穀明靈格思旌罕紛屬

奠玉幣酌獻嘉安

景祐用祐安辭亦不同

博碩肥膾以魚以烹

萬曆二十七年刊

嘉粟旨酒有彌斯盈有核惟旅肅肅烝烝吉蠲備物  
享于克誠

送神高安 颺輪戾止景燭靈壇金奏繹如白露溥溥  
黑帝降神高安 隆冬戒序歲曆順成一人有慶萬物  
由庚有旨斯酒有碩斯牲報功崇德正直聰明

奠玉幣酌獻嘉安 景祐用祐安 鮮亦不同 大儀幹運星紀環周  
三時不害黍稷盈疇克誠致享品物咸羞禮成樂變

錫祚貽休

送神高安 管磬咸和禮獻斯畢靈歟言旋神降之吉  
紹興以後記五方帝六十首

青帝降神高安圍鍾宮三奏 於神何司而德于木肅  
然顧歆則我斯福我祀孔時我心載祗匪我之私神  
來不來

黃鍾爲角一奏 神兮焉居神在震方仁以爲宅秉天  
之陽神之來矣道脩以阻望神未來使我心苦

太簇一奏 神在途矣習習以風百靈後先敢一不恭  
奔走癘疫祓除蓄凶顧瞻下方逍遙從容

姑洗羽一奏 溫然仁矣熙然春矣龍駕帝服穆將臨  
矣我酒清矣我肴烝矣我樂備矣我神顧矣

升殿正安 在國之東有壇崇成節以和樂式降式登

潔我珮服璆琳鏘鳴匪壇斯高曷安厥靈

青帝奠玉幣嘉安 物之熙熙胡爲其然蒙神之休迺

敢報旃有即斯珪有量斯幣于以奠之格此精意

太昊氏位奠幣嘉安 卜歲之初我迎春祇孰克侑饗

曰古宓戲於皇宓戲萬世之德再拜稽首敢愛斯璧

奉俎豐安 靈兮安留煙燎旣升有碩其牲有俎斯承

匪牲則碩我德惟馨緩節安歌庶幾是聽

青帝酌獻祐安 百末布蘭我酒伊旨酌以匏爵洽我

百禮帝居青陽顧子嘉觴右我天子宜君宜王

太昊酌獻祐安 五德之王誰實始之功括造化與天

無期酌我清醑盟獻載飭神鑿孔饗天子之德

亞終獻文安 貳觴具舉承神嘉虞神具醉止眷焉此

都我歲方新我畝伊殖時暘時雨繫神之力

送神高安 忽而來兮格神鴻休忽而往兮神不予留

神在天兮福我壽我千萬春兮高靈下墮

赤帝降神高安園鍾爲宮 離明御菑德協于火有感

其生維帝是何帝圖炎炎貽福錫我鑒于妥虔高靈

下墮

黃鍾爲角 赤精之君位于朱明茂育萬物假然長羸

我潔我盛我蠲我誠神其下來雲車是承

太簇爲徵 八卦相蕩一氣散施隆熾恢台職神尸之  
肅肅颺御神戾于天於昭神休天子萬年

姑洗爲羽 燁燁其光炳炳其靈宵其如容歆其如聲  
扇以景風導以朱旂我德匪類神其安留

升殿正安 除地國南有基崇崇載陟載降式虔式恭  
燎煙旣燔黻冕斯容神如在焉肆予幽通

赤帝奠玉幣嘉安 太微呈祥炎德克彰佑我基命格  
于明昌一純二精有嚴典祀于以奠之以介繁祉

神農氏奠幣嘉安 練以纁黃有篚將之盼蠻斯荅有  
神昭之維神於民實始貨食歸德報功敢怠王國

奉俎豐安 有牲在滌從以駢牡或肆或將有潔其俎  
神嗜飲食饒饒芬芬莫腆于誠神其顧歆

赤帝酌獻祐安 四月維夏兆于重離帝執其衡物無  
癘疵於皇帝功思樂旨酒奠爵旣威垂福則有

神農氏酌獻祐安 猗歟先農肇 黍稷旣殖旣播有  
此粒食秬鬯潔清彝樽躄竭我瑤斝莫報嘉績

亞終獻文安 盥爵奠斝載虔載恭籩豆靜嘉於樂鼓  
鍾禮備三獻神具醉止孰顯神德揚光紛委

送神高安 神來何從馭然靈風神去何之杳然幽蹤  
伊神去來霧散雲烝獨遺休祥山崇川增

黃帝降神高安園鍾爲宮 維帝奠位乃威于時孰主  
張是而樞紐之穀我腹我比予于見告我冠服迨其  
委蛇

黃鍾角 蓀無不在日與我居堯不可來盼蟹斯頰象  
服龍駕淵淵鼓桴蒸不汝多多汝意孚

太簇徵 樂故帝居逝留無常爾信我宅爾中我鄉乃  
眷兹土於赫君王翩然下來去未遽央

姑洗羽 澹兮撫琴嗽兮吹笙神之未來蕭穆以聽續  
紛羽旄姣服在中神旣來止亦無惰容

升殿正安 民生地中動作食息與我周旋莫匪爾極

捕鯨東海攀茅南山彼勞如何矧升降問

黃帝奠玉幣嘉安 萬禴之寶一絢之絲孕之育之誰

爲此施歸之后神神曰何爲不宰之功蕩然四垂

有熊氏位奠幣嘉安 維有熊氏以土勝王其後皆泐

茲德用壯黼黻幅烏裳衣是創幣之元纁對此昭亮

奉俎豐安 王曰欽哉無愛斯牲登我元祀亦有皇靈

以將以享或剥或烹大夫之俎天子之誠

黃帝酌獻祐安 黍以爲翁鬱以爲婦以侑元功以酌

大斗伊誰歆之皇皇帝后伊誰嘏之天子萬壽

有熊氏酌獻祐安 昔在緜邈有人公孫登政撫辰節

用良勤所蓄既大所行宜遠載其華遵從以笄管  
亞終獻文安 羽觴更陳厥味清凉飲之不煩又有蔗  
漿夜未艾止明皇浮浮願言妥靈靈兮淹留  
送神高安 靈不肯留沛今將歸玉節森逝翠旗並馳  
顧瞻佇立悵然佳期蹇千萬年無斃人斯

白帝降神高安園鍾爲宮 白藏啓序庶彙向成有嚴  
禮祀用答幽靈風馬雲車來燕來寧洋洋在上休福  
是承

黃鍾角 素精肇節金行固藏氣冲炎伏明河翻霜功  
收有年禮薦有章祇越眇冥鴻基永昌

太簇徵 昊天之氣攀歛萬彙消日潔齊有嚴厥祀有  
牲維肥有酒維旨神之燕娛錫茲福祉

姑洗羽 執矩斯允實惟素靈受職儲休萬寶以成饗  
于西郊奠玉陳牲侑以雅樂來歆克誠

升殿正安 素焱諧律西顯 靈肇復元祀晨煬肅清  
下土層陔嘉薦芳馨以御蕃祉介我西成

白帝奠玉幣嘉安 惟時素秋肇舉元祀禮備樂作降  
登有數洋洋在上神既來止神之格思錫我繁祉

少昊氏位奠幣嘉安 西顯肅清羣生茂遂有嚴報典  
孔明祀事珪幣告虔神靈燕喜賚我豐年以錫民祉

奉俎豐安 洽禮旣陳 音具舉有滌斯牲孔碩爲俎  
維帝居歆介我稷黍樂哉有秋絜神之祐  
白帝酌獻祐安 徂商肇祀靈蓋孔饗恭承嘉禧湛澹  
秬鬯監此馨香靈其安留疇惠下民匪靈之休  
少昊氏位酌獻祐安 沆瑒西顙功載萬世乘金宅兌  
侑我明祀嘉觴布蘭牲玉潔精神之燕虞肅用有成  
亞終獻文安 肅成萬物沆寥其秋惟茲祀事戾止靈  
斿酌獻具舉典禮是求冀福斯民黍稷盈疇  
送神高安 沆瑒由藏順成萬寶有來德馨於昭神妥  
露華晨晞颺馭聿還介我嗣歲澤均幅員

黑帝降神高安 圓鍾爲宮 吉日壬癸吉中應鍾國有  
故常北郊迎冬乃藏祀事必祗必恭 默雖異感而  
遂通

黃鍾爲角 良月盈數四氣推遷帝於是時與司其權  
高靈下墮降祉幅員神之聽之祀事罔愆  
太簇爲徵 北方之神執權司冬三時務農於焉告功  
禮備樂作歸功于神風馬來游承錫斯民  
姑洗爲羽 天地閉塞盛德在水黑精之君降福羨祉  
洋洋在上若或見之齊莊承祀其敢敦思  
升殿正安 昧爽昭事煌煌露光滌旣蠲潔容儀肅莊

牲肥酒旨薦此芬芳降陟有序禮無越常

黑帝奠玉幣嘉安

晨曦未升天宇肅穆祗若元祀將以幣玉神之格思三獻茅縮明靈懌豫下土是福

高陽氏位奠幣嘉安

飈馭雲蓋神之顧歆丕昭禮容

發揚樂音祀事既舉仰當神心申以嘉幣式薦誠謹奉俎豐安 辰牲孔碩奉牲以告祕祝非祈豐年宜報

至意昭徹交乎神明降福穰穰用燕羣生

黑帝酌獻祐安

赫赫神游周流八極德馨上聞於焉來格不腆酒醴用伸悃愫神之歆之民用嚮德

高陽氏酌獻祐安

十月納禾民務藏蓋不有神休民

罔攸賴孟冬之吉禮行不昧神降百祥昭著著蔡

亞終獻文安

萬彙拏斂時惟令序蠢爾黎氓入此室處酌獻告神禮以時舉賴此陰隲民有所祐

送神高安

神之戾止天門夜開禮備告成雲輶亟回旗纛晻靄萬靈喧阗獨遺祉福用澤九垓

乾德以後祀感生帝十首

降福大安

和均玉管政協璿衡四序資始萬物含生皇猷允洽至德惟明爲民祈福克致精誠

太保行保安

衣冠儼若步武有容公卿濟濟率禮惟

恭



疊洗正安 昊天降康云何以報斯謀斯惟雍雍灌鬯  
身之潔兮神斯來止神之享兮民斯福矣

奠玉幣慶安 邊豆有踐玉帛斯陳神無常享享于精

純

奉俎咸安 俎實具列明德惟馨肅容祇薦神其降靈

酌獻崇安 樂調鳳律酒浥犧尊至靈斯御盛 彌敦

飲福廣安 三陽戒律萬彙騰精既蘇昆蠱畢達勾萌

具陳犧象式薦誠明錫以蕃祉來保咸平

亞終獻文安 大君有命祀典咸脩薦獻式叙淑慎優

象

徹豆肅安 以下二首 政和中製 奉承明祀惟羊惟牛印盛于豆

備陳庶羞鍾鼓皇皇神具醉止其徹嘉邊永綏福祉

送神普安 既臨下上復歸于天神之報貺受福無邊

景祐祀感生帝二首

宣祖配位奠幣皇安 潛發長源粵惟始祖五運協圖

萬靈來護

酌獻肅安 龍德而隱源流則長宜乎億祀侑享彌昌

元符祀感生帝五首

降神大安 六變 二儀交泰七政順行四序資始萬物含

生皇朝創業盛德致平為民祈福潔此精誠

初獻升降保安 冕旒儼若步武有容公卿濟濟韶濩

邕邕

帝位酌獻 樂和鳳律酒奠犧尊神明斯享禮盛難論  
亞終獻文安 大君有命闕典咸脩帝歆明祀佑聖于

秋

送神普安 俯臨下土迴復上天觸類而長荷福無邊  
帝位奠玉幣同前慶安禧祖奠幣同景祐皇安酌獻同  
景祐宣祖肅安奉俎同熙寧咸安

紹興以後祀感生帝十六首

降神大安圓鍾爲宮 炎精之神飛輶碧落駕以浮雲

冊書赤雀禮備豆籩樂諸簫勺神具醉止佑我景鑠

黃鍾爲角

宋德惟火神實司之上儀申藏迎方重離

瑤幣告潔秀華金支啾啾神龍來介繁禋

太簇爲徵

於物司火於方峙南璇霄來下羽衛旣旣

祠官祝釐聯珮合簪本支有衍則百斯男

姑洗爲羽

惟神之安方解羽鑿赤旂霞曳從以炎官

居歆嘉薦盼饗靈壇神之格矣民訖多盤

盥洗保安

衝牙鏘鳴肅容專精交神之義罔敢弗誠

設洗于阼壘水惟清盥以致潔感通神明

升殿保安

三陽交泰日新惟良大建厥祀茲報興王

禮嚴陟降德薦馨香聿懷嘉慶降福穰穰

感生帝位奠玉幣光安 肅肅嚴祀神幽必聞騁駕臨  
饗將歆飶芬嘉玉陳幣欽恭無文永綏多祐國祚何  
垠

僖祖位奠幣皇安 於穆文獻景炎發祥啓茲皇運垂  
慶無疆篚幣有陳式昭肅莊神之格思如在洋洋  
奉俎咸安 邊豆大房秩秩在列奉牲以告既全既潔  
樂均無爽牲醴攸設神兮燕娛霓旌孑孑

感生帝位酌獻崇安 盛德在火相我炎祚典祀有常  
牲玉維具風馬雲車翩翩來顧式蕃帝社後昆有裕

僖祖位酌獻肅安

皇矣文獻開國有先德配感生對

越在天練日得辛來止靈壇神其錫美瑞應倚蘭

文舞退武舞進正安 苾苾芬芬神具醉止笙磬鏗鏘  
于旄旒旒醴假無言神靈惟喜申錫蕃釐暨我孫子  
亞終獻文安 偉炎厥初緣感而系慶衍式崇昭融有  
契樂功既諧觴獻斯繼歆類不違克昌百世

徹豆肅安

潔陳斯備昭格惟禋神歆以飫宰徹其餼

清歌振曉叶氣流春永錫祚嗣以渥烝民

送神大安 豐祀孔飾肅來自天蘭尊既徹飈馭載邁  
騎雲縹緲聆樂流連惟邁惟顧降福緜緜

望燎普安 禮文既洽熏燎聿升嘉氣四塞丹誠上騰  
一惟類之應惟福之興永熾天統億載靈承

宋史卷一百三十二終

宋史卷一百三十三

樂志第八十六

開府儀同三司桂國錄軍國重事前中書右丞相監修國史領經筵事都總裁脫脫等脩

皇明朝列大夫國子監祭酒臣方從哲

承德郎右春坊右中允管國子監司業事臣黃汝良等奉

勅重校刊

樂八 樂章二

明堂大饗 皇地祇 神州地祇  
朝日夕月 高禘 九宮貴神

景祐大享明堂二首

真宗配位奠幣誠安 思文聖考對越在天侑神作主

奉幣申虔

萬曆二十七年刊

宋史卷一百三十三

樂志

酌獻德安 偃革興文封蠻考瑞威烈巍巍允膺宗祀  
皇祐親享明堂六首

降神誠安 維聖享帝維孝感親肇圖世室躬展精禋  
鏞鼓既設籩豆既陳至誠攸感保格上神

奠玉幣鎮安 乾亨坤慶育函生路寢明堂致潔誠玉  
帛非馨期感格降康億載保登平

酌獻慶安 肅肅路寢相維明堂二儀鑒止三聖侑旁  
靈期訢合祠節齊莊至誠並旣降福無疆

三聖配位奠幣信安 祖功宗德啓隆熙嚴配交修太  
室祠圭幣薦誠知顧享本支錫羨固邦基

酌獻孝安 藝祖造邦二宗紹德肅雍孝享登配圖極  
先訓有開菲躬何力歆馨錫羨保民麗億

送神誠安 我將我享辟公顯助獻終豆徹禮成樂具  
飾駕上游升禋高鶩神保聿歸介茲景祚

嘉祐親享明堂二首  
降神誠安 燁燁房心下照重屋我嚴帝親匪配之瀆

西顛沆碭夕景已肅靈其來煥嘉薦芳郁  
送神誠安 明明合宮奠尊享帝禮樂熙成精與神契

桂尊初闌羽駕倏逝遺我嘉祥於顯萬世  
熙寧享明堂二首

英宗奠幣誠安 於皇聖考克配上帝永言孝思昭薦  
嘉幣

酌獻德安 英聲邁古德施在民允秩宗祀賓延上神  
元符親享明堂十一首

皇帝升降儀安 嚴父配天孝乎明堂與奠升階降音  
以將天步有節帝容必莊辟公憲之禮無不減

上帝位奠玉幣鎮安 聖能享帝孝克事親於皇宗祀  
盛節此陳何以薦虔二精有煒何以致祥上天鑒止

神宗奠幣信安 合宮禮備時維哲王堂筵四敞明德  
馨香聖考來格降福穰穰承承繼繼萬祀其昌

奉俎禋安 奕奕明堂天子卽事奠我聖考配于上帝  
凡百有職疇敢不祗俎潔牲肥其登有儀

上帝位酌獻慶安 惟禮不瀆所以嚴親惟孝不匱所  
以教民陟配文考享于大神重禋累福祚裔無垠

配位酌獻德安 隆功駿德兩有烈光陟配宗祀惠我  
無疆

退文舞迎武舞穆安 舞以象功樂 宗德文經萬邦  
武靖四國一張一弛其儀不忒神鑒孔昭孝思維則

亞獻穆安 於昭盛禮嚴父配天盡物盡誠莫匪吉蠲  
重觴旣薦九奏相宣神介景福億萬斯年

飲福胙安 莫尊乎天莫親乎父既享既侑誠申禮舉

憂擊堂上八音始具天子億齡飲神之胙

徹豆欽安 穆穆在堂肅肅在庭於顯辟公來相思成

神既歆止有聞無聲錫我休嘉燕及群生

歸大次憩安 有奕明堂萬方時會宗子聖考作帝之

配樂酌虞典禮從周志釐事既成於皇來暨

大觀宗祀明堂五首

奠玉幣鎮安 交于神明內心爲貴外致其文亦效精

意嘉玉既陳將以量幣肅肅雖雖惟帝之對

有邦事神享帝爲尊內心致德外示彌文嘉玉效珍

薦以量幣恭欽伊何惟以宗祀

配位奠幣信安 肇祀明堂告成大報顒顒祗祗率見

昭考消選休辰齊明朝夕於惟皇王孝思罔極

酌獻孝安 若昔大猷孝思惟則永言孝思丕承其德

於昭明威侑于上帝賚我思成永綏福祉

配位酌獻大明 於昭皇考大明體神憲章文思宣民

宜人嚴父之道陟配于天躬行孝告有孚于先

紹興親享明堂二十六首

皇帝入門儀安 惟我有宋昊天子之三年卜祀百世

承基施及冲眇奉牲以祠敢忘齋栗偏舉上儀

升堂儀安 於赫明堂肇稱禋祀祖宗來游亦侑于帝

九州駿奔百辟咸事歛時純休錫我萬世

降神誠安 愆神何親惟德是輔玉牲具陳誠則來顧  
我開明堂遵國之故尚蒙居歆以篤宗祜

盥洗儀安 肇開九筵維古之倣皇皇大神來顧來享  
庶儀交修百辟顯相微誠自中交際天壤

上帝位奠玉幣鎮安 皇皇后帝周覽四方眷我前烈

燕娛此堂金支秀發黼帳高張世歆明祀曰宋是常

皇地祇位奠玉幣嘉安 至哉坤元持載萬物繼天神  
聖觀世治忽頌祇之堂薦以圭鬯孰爲邦休四海無

拂

太祖位奠幣廣安 推尊太元重屋爲盛誰其配之我

祖齊聖開基握符正位凝命於萬斯年孝孫存慶

太宗位奠幣化安 帝神來格靡祀不從俯坐而食獨

升祖宗在庭祇肅展采錯重三獻之禮百年之容

徽宗位奠幣泰安 於穆帝臨至矣元造克配其儀惟

我文考仁恩廣覃奕葉永保宗祀惟初以揚孝道

皇帝還位儀安 耳聽銷玉目瞻煥珠樂備周奏儀參

漢圖神人並況天地同符亦既見帝王心則愉

尚書捧俎禧安 展牲登俎簫韶在庭羞陳五室意徹



三靈匪物斯享惟誠則馨不作祭主神其億寧

昊天上帝位酌獻慶安 日在東陸維時上辛肇開陽

館恭禮尊神蒼玉輝夜紫煙煬晨祖宗並配天地同  
禋

皇地祇位酌獻彰安 地禋泰圻歌同我將黜牲純潔

絲竹發揚博厚而久含洪以光扶持宗社日篤不忘

太祖位酌獻孝安 一德開基百年垂統中天禘郊薄

海朝貢寶龜相承器鼎加重澤深慶綿帝復命宋

太宗位酌獻韶安 紹天承業繼世立功帷幄屢勝車

書始同武掃氛霧文垂日虹遺澤所及孰知其終

徽宗位酌獻成安 欽惟合宮承神至尊祗戒專精儼

然若存奠茲嘉觴苴蘭其芬發祉墜祥以子以孫

皇帝還小次儀安 匏尊既舉鞞席未移有德斯顧靡

神不娛物情肅穆天宇清夷宅中受命永復邦基

文舞退武舞進穆安 神之歛至慶陰杳冥風馬雲車

恍若有承備形聲容於昭文明庶幾嘉虞來享來寧

臣獻穆安 四阿有巖神既戾止備物雖儀潔誠惟已

有來振振相我熙事載酌陶匏以成芾祀

終獻穆安 誠一爲專禮三而稱孰陪邦祠惟我同姓

金絲屢調玉圭交映是謂熙成福來神聽

皇帝欽福胙安 孰謂天遠至誠則通孰謂地厚與天

則同惠我純嘏克成大功握圖而治如日之中

徹豆歆安 工祝告休笙鏞云闋酒茅旣除牲俎斯撤

幽明罔恫中外咸悅禮成伊何天地同節

送神誠安 奕奕宗祀煌煌禮文高靈下墮精意升聞

熙事旣畢忽乘青雲敢拜明貺永清世氛

望燎儀安 載酌載獻以純以精歌傳夜誦物備秋成

報本斯極聽卑則明願儲景貺福我群生

望瘞儀安 禮協豐融誠交彷彿辟公受膺宗祀臨塵

貽我來牟以興嗣歲山川出雲天地同氣

還大次憩安 應天以實已事而竣瓊案朝帝竹宮拜

神靈光下燭協氣斯陳福祿時萬基圖日新

紹興淳熙分命館職定撰十七首

降神景安園鍾爲宮 上直房心時惟明堂配天享親

宗祀有常盛德在金日吉辰良享我克誠來格來康

黃鍾爲角 合宮盛禮金商令時備成熙事蒐揚上儀

駿奔在庭精意肅祇來享嘉薦神靈燕娛

太簇爲徵 休德孔昭靈承上帝孝極尊親嚴配于位

嘉薦芬芳禮無不備神其格思享茲誠至

姑洗爲羽 霜露旣降孝思奉先陟降上帝禮隆九筵

有馨黍稷有肥牲牲神來燕娛想像肅然

盥洗正安 禮經之重祭典爲宗上公攝事進退彌恭  
庶品豐潔令儀肅雍百祥萃止惟吉之從

升殿正安 皇祖配帝歲祀明堂冕服陟降玉珮瑤璿  
疾徐有節進止克莊維時右享日靖四方

上帝位奠玉幣嘉安 大亨季秋百執揚厲明明太宗  
赫赫上帝祗薦忱誠式嚴圭幣祚我明德錫茲來裔

太宗位奠幣宗安 穆穆皇祖丕昭聖功聲律身度樂  
備禮隆祗薦量幣祀于合宮玉帛萬國驩心載同

捧俎豐安 備物昭陳工祝告具維羊維牛孔碩孔庶  
有嘉維馨加食宜飫歛時五福永膺豐胙

上帝位酌獻嘉安 燁彼房心明明有融維聖享帝禮  
行合宮祀事時止粢盛潔豐昭受申命萬福攸同

太宗位酌獻德安 受命溥將勳高百王寰宇大定聖  
治平康有嚴陟配宗祀明堂神保是格申錫無疆

文舞退武舞進正安 溫厚嚴凝於皇上帝文德武功  
列聖並配舞綴象成肅雍進退秉翟跋跋總干蹈厲

垂終獻文安 總章靈承維國之常禮樂宣鬯降升齊  
莊竭誠盡志薦茲累觴於昭在上申錫無疆

徹豆肅安 於皇上帝肅然來臨恭薦芳俎以達高明

烹飪既事享于克誠以介景福惟德之馨

送神景安 帝在合宮鑒觀盛禮黍稷惟馨神心則喜

禮備樂成亦既歸止億萬斯年以貺多祉

高宗位奠幣宗安 赫赫高廟于堯有光覆被萬祀冠

冕百王有量斯幣蠲潔是將在帝左右維時降康

酌獻德安 炎運中興蒼生載寧九秩燕豫三紀豐凝

精祀上帝陟配威靈錫羨胙祉萬世承承

孝宗親享明堂樂曲並同惟天地位奠幣酌獻及太祖

酌獻皇帝入小次還大次亞獻送神等篇各有刪潤又

以太祖奠幣曲改名廣安酌獻改名恭安太宗奠幣改

名化安酌獻改名英安

景德祀皇地祇三首

降神靜安 至哉厚德陟配天長沈潛剛克廣大無疆

資生萬物神化含章同和八變神靈效祥

奠玉幣酌獻嘉安 於昭祀典致享坤儀備物咸秩柔

祗格思功宣敏樹日益鴻禧持載品彙率土攸宜

送神靜安 妙用無方倏來忽逝蠲潔寅恭式終禋瘞

景佑夏至祀皇地祇二首 仁宗御製

太祖奠幣恭安 赫矣淳耀俶載帝基一戎以定萬國

來儀寅恭潔祀博厚皇祇威靈攸在福祿如茨

酌獻英安 丕命惟皇萬物咸覩卜年邁周崇功冠禹  
有燁炎精大昌聖祚酌鬯祈年永錫繁祐

熙寧祀皇地祇十二首

迎神導安 昭靈積厚混混坤輿配天作極陰慘陽舒

齊明薦享百福其儲庶幾來止風馬雲車

升降靖安 有來穆穆臨此方丘其行風動其止霆收  
躬事匪懈豐盛潔羞百昌咸殖允矣神休

奠幣釐安 純誠昭融芳美嘉薦肅將二精以享以奠

休光四充靈祇來燕其祥伊何永世錫羨

太祖肇安 於皇烈祖繼帝所興光輝宗祀如日之升

告靈作配孝享烝烝錫茲祉福百世其承

司徒奉俎承安 我修祀事於何致誠罔敢怠佚視茲

碩牲納烹薦俎侑以和聲格哉休應世濟皇明

酌獻和安 猗嗟富媪博厚含弘發榮敷秀動植茲豐

爰酌茲酒彤蠻交通衆祥萃止垂祐無窮

太祖佑安 光大含弘坤元之力海宇咸寧烈祖之德

作配方壇不僭不忒子孫其承毋替厥則

飲福禋安 載登壇阼載酌尊彝牲酒嘉旨福祿純熙

其福維何萬物咸宜其祿維何永承神禧

退文舞迎武舞威安 雍雍肅肅建我采麓舞以玉戚

不吳不敖其將其肆脾臑嘉肴何以侑樂鍾鼓管簫  
亞終獻儀安 折俎在籩載羨在豆何以酌之酒醴是  
侑何以錫之貽爾眉壽何以格之永爾康阜

徹豆豐安 曳我黼黻履舄接武鏘我珩璜降升罔圉  
其將肆兮既日不侮其終徹兮恭欽惟主

送神阜安 神兮來下享此苾芬酌獻雍雍執事孔勤  
神之還矣忽乘飛雲遺我祺祥物象忻忻

常祀皇地祇五首

迎神寧安 變 坤元之德光大無疆一氣交感百物阜  
昌吉蠲致享精明是將介茲景福鼎祚靈長

升降正安 禮經之重祭典爲宗上公攝事登降彌恭  
庶品豐潔今儀肅雍百祥萃止惟吉之從

奉俎豐安 禮崇禋祀神鑿孔明牲牲博膾以魚以烹  
馨香蠲潔品物惟精錫以純嘏享茲至誠

退文舞迎武舞威安 進旅退旅載揚干揚不愆于儀  
容服有章式綏式侑神保是聽鼓之舞之神永安寧

送神安寧 物備百嘉樂周八變克誠是享明德斯薦  
神鑿孔昭蕃禧錫羨回馭飄然邈不可見

紹興祀皇地祇十五首

迎神寧安函鍾爲宮 至哉厚德物生是資直方維則

翕闢攸宜於昭祀典致享坤儀禮罔不答神之格思  
太簇爲角 蕤事方丘舊典時式至誠感神馨非黍稷  
所饗來臨鑒茲明德永錫坤珍時萬時億

姑洗爲徵 至哉坤元乃順承天厚德載物含洪八埏  
日北多暑祀儀吉蠲式昭無事敢告恭虔

南呂爲羽 蕤事方丘情文孔時名山大澤侑祭無遺  
牲陳黜犢樂備咸池柔祇皆出介我繁禧

盥洗正安 於穆盛禮肅肅在宮蕤事有初直于東榮  
滌濯是謹惟寅惟清祇薦柔嘉享茲克誠

升殿正安 景風應時聿嚴恭祀用事方丘鏘鏘濟濟  
登降有節三獻成禮神其格思錫我繁祉

正位奠玉幣嘉安 坤元博厚對越天明展事方澤賈  
惟顧歆嘉玉量幣祇薦純精錫我繁祉燕及函生

太祖位奠幣定安 苾祀泰圻柔祇是承於赫藝祖道  
格三靈式嚴配侑厚德惟寧爰昭薦幣享于克誠

捧俎豐安 丕答靈貺蕤事方丘豆登在列鼎俎斯儔  
牲牲告具寅畏彌周柔祇昭格颺至雲流

正位酌獻光安 祇事坤元飭躬敢憚爰潔粢盛載嚴  
圭瓚清明內融嘉旨外粢介我繁釐時億時萬

太祖位酌獻英安 皇矣藝祖九圍是式至哉柔祇萬

彙允殖保茲嘉邦介我忝稷酌鬯告虔作配無極  
文舞退武舞進正安 於穆媪神媿德彼天我修志祀  
以莫不虔肆陳時夏干羽相宣靈其來游降福綿綿  
亞終獻文安 禮有所報國惟典常籩豆豐潔升降齊  
莊備物致志式薦累觴昭格來享自天降康  
徹豆娛安 承天效法其道貴誠牲羞黃犢薦德之馨  
芳俎告畢禮備樂盈既靜既安庶物霑生  
送神寧安 至厚至深其動也剛精誠默通或出其藏  
神之言歸化斯有光相我炎圖萬世無疆

宋初祀神州地祇三首

降神靜安 膺膺郊原茫茫寓縣畫野分疆禹功疏奠

靈祇是臻豆籩祇薦幽贊皇圖視之不見

奠玉幣酌獻嘉安 彤饗儲靈肅恭用幣鏘洋導和洪

休允契嘉氣雲蒸浹于華裔式薦坤珍聿符明世

送神靜安 獻奠云畢純嘏祁祁威靈藏用邈矣何之

景祐孟冬祭神州地祇二首

太宗位奠幣化安 削平僞邦嗣興鴻業禮樂交修仁

德該洽彙祇薦享量幣攸攝侑坐延靈神休允答

酌獻韶安 有煒彌文克隆宏構貽此燕謀具膺多祐

懈律吹葦彝尊奠酒佐乃沈潛永祈豐楙



元符祭神州地祇二首

迎神寧安變八 膺膺浚邦皇天是宅必有幽贊聰明正

直布列籩豆考擊金石中外謐寧緊神之力

送神寧安 都邑浩穰民物富盛主以靈祇昭乃丕應

玉帛牲牲鍾鼓篔磬祇薦攸歆歸于至靜

紹興祀神州地祇十六首

迎神寧安函鍾為宮 芒芒下土恢恢方儀富媪統攝

潛運八維爰稱元祀告備吉時揭茲虔恭優其格思

太簇為角 洪惟坤元道著品物上配紫旻後載其德

良月肇歲祭器布列必先皇祇以迓景福

姑洗為徵 坎北無垠磅礴罔測山盈川冲自生自

其報惟何率禮靡忒億萬斯年功被無極

南呂為羽 翕闢以時協氣陶蒸播之金石鏘厥和聲

冥冥眴眴孔享純誠是聽是娛邦基永寧

盥洗正安 晨煬致煙淳然四施飄飄風馬彷彿來斯

祀事惟清沃之盥之載消載肅罔有愧辭

升殿正安 崇崇其壇屹矣層級佩約步趨降登中節

左瞻右睨祥風藹集旃旒羽紛昭鑒翊翊

神州地祇位奠玉幣嘉安 璇璣諸序籍歛薦嘉昭答

柔祇迭奏雅歌幣琮以侑儀臙氣和靈其溥臨容與

燕嘉

太宗位奠幣嘉安 穆穆令聞溥博有容澤被萬宇靡

不率從恭陳量幣明薦其衷禮亦宜之享德攸同

奉俎豐安 肅肅嘉承唯德其物工祝以告繫民之力

神哉廣生孔蕃且碩奠于嘉壇吐之則弗

神州地祇位酌獻嘉安 恭承明祀嘉薦令芳亦有桂

酒誠慤是將瑟瓚以酌效懽觴庶乎燕享永懷不

忘

太宗位酌獻化安 宗德含洪方祇可擬闢土開疆八

埏同軌是用作配有永無紀禩獻以享茂格蕃祉

文舞退武舞進文安 奕奕綴兆咸池孔彰丕闡文德

靡忘發揚進退有節乃容之常樂備爾奏燁燁榮光

亞終獻文安 縮酌以裸既旨且多二獻有序情文愈

加黃祇臨享錫以休嘉廣茲靈禋覃及邇遐

徹豆成安 展牲告全迺登于俎竣事而徹侑以樂語

奉釐宣室祚我神主歛敷庶民竝受其祐

送神寧安 雲馭洋洋旣歆旣顧悠然聿歸曷求厥路

欽想頌堂跛立以慕賚我彤鬻莫不擇豫

望瘞正安 神罔怨恫燕其有喜歲事告成爰修瘞禮

樂闋儀備休氣四起尚謹不愆念終如始

景德朝日三首

降神高安六變 陽德之母義御寅賓得天久照首茲三

辰正辭備物肅肅振振淪精降監克享明禋

奠玉幣酌獻嘉安 醴齊良潔有牲斯純大采玄冕乃

昭其文王宮定位粢盛苾芬民事以叙盛德升聞

送神高安 縣象著明照臨下土降福穰穰德施周普

夕月三首

降神高安六變 凝陰稟粹照臨八埏麗天垂象繼日代

明一氣資始四時運行靈祇昭格備物薦誠

奠玉幣酌獻嘉安 夕耀乘秋功存寓縣金奏在縣以

時致薦祀事孔寅明靈降眷潔粢豐盛倉箱流衍

送神高安 夙陳邊豆潔誠致祈垂休保佑景祚巍巍

大觀秋分夕月四首

降神高安 至陰之精虧而復盈輪高僊桂階應祥奠

玉兔影孤金莖露溢其駕星車顧于茲夕

奠玉幣 玉鈎初彎冰盤乍圓扇掩秋後烏飛枝邊精

凝蟾蜍輝光嬋娟歆于明祀弭芳節焉

酌獻 名稽漢儀歌參唐宗往于卿少乘秋氣中周天

而行如姊之崇可飛霞佩下瑠璃宮

送神 四扉大開五雲車立霓裾姊從風翻童執搖曳

胥來鏘洋爰集歆我嚴禋西面以揖

紹興朝日十首

降神高安園鍾爲宮 玄鳥旣至序屬春分朝于太陽

厥典備存載嚴大采示民有尊揚光下燭煜燿東門

黃鍾爲角 升暉麗天陽德之母率無頗偏兼燭下土

恭事崇壇禮樂具舉頓御六龍裴叵容與

太簇爲徵 周祀及閭漢制中管彤蠶是屆禮神以兄

我潔斯璧我肥斯牲芳燕享鑒觀孔明

姑洗爲羽 屹爾王宮泛臨翊翊惠此萬方豈惟五色

以修陽政以習地德雲景杳冥施祥無極

初獻升殿正安 天宇四霽嘉壇聿崇肅祇嚴祀登降

有容仰瞻曜靈位居其中旣安旣妥沛哉豐融

奠玉幣嘉安 物之備矣以交於神時惟炎精不忘顧

歆經緯之文璆琳之質燦然相輝其儀秩秩

奉俎豐安 扶桑朝暎和氣昫飭奉此牲牢爲俎孔碩

芬馨進聞介我黍稷所將以誠茲用享德

酌獻嘉安 匏爵斯陳百味旨酒勻以獻之再拜稽首

鍾鼓在列靈方安留眷然加薦惟時之休

亞終獻文安 禮馨沃盥誠意肅將包茅是縮奠畢重

觴煥矣情文旣具醉止熙事備成靈其有喜

送神禮安 義和駕兮其容杲杲將安之兮言歸黃道  
光赫萬物無古無今人君之表咸仰照臨

夕月十首

降神高安園鍾爲宮 金行告道玉律分秋禮歲西郊

祀祀聿脩精意潛達永予于休神之聽之爰格飈旂  
黃鍾爲角 時維秋仲夜寂天清實嚴姊事用荅陰靈

壇壝斯設黍稷惟馨雲車來下庶歆厥誠

太簇爲徵 邇日著明麗天作配潔誠以祠禮行肅拜

光凝冕服氣肅環珮庶幾昭格祗而不懈

姑洗爲羽

穆穆流輝太陰之精盈虧靡忒寒暑以均

克禋克祀揆日消辰牲碩酒旨來燕來寧

升殿正安 倚歟崇基右平左城祗率典常屆茲秋夕

陟降惟寅威儀抑抑神其鑒觀穰簡是集

奠玉幣嘉安 少采陳儀實曰坎祭禮備樂舉嚴恭將

事于以奠之嘉玉量幣神兮昭受陰鳴萬彙

奉俎豐安 穀旦其差有牲在滌工祝致告爲俎孔碩

彤嚮是期祚我明德備茲孝欽式和民則

酌獻嘉安 白藏在序享惟其時躬卽明壇禮唯載祗

斟以瑤爵神靈燕娛歆馨顧德錫我蕃釐

亞終獻文安 肅雍嚴祀聖治昭彰清酒旣載或肆或

將禮匝三獻終然允臧神具醉止其樂且康

送神理安 歌奏云闕式禮莫愆以我齊明罄其吉蠲

神保聿歸降康自天蘿圖永固億萬斯年

熙寧以後祀高禩六首

降神高安六 容臺講禮禩宮立祠司分屆後帶羈陳

儀嘉祥萃止靈馭來思皇支蕃衍永固邦基

升降正安 郊禩之應肇自生商誕膺寶命濬發其祥

天材蕃衍德稱君王本支萬世與天無疆

奠王幣嘉安 昔帝高辛先禩肇祀爰揆仲陽式祈嘉

祉陳之犧牲授以弓矢敷祐皇宗施于孫子

酌獻祐安 昭薦精衷靈承端命青帝顧懷神禩儲慶

祚以蕃昌協于熙盛螽斯衆多流于雅詠

臣終獻文安 赫赫高禩萬世所祀其德不回錫茲福

祉蕃衍椒聊和平芣苢傳類降康世濟其美

送神理安 禮奠蠲衷祭儀竣事丕擁靈休蕃衍皇嗣

紹興祀高禩十首

降神高安圓鍾爲宮 聿分春氣施生在時禩宮肇啓

精意以祠禮儀告備神其格思厥靈有赫錫我繁釐

黃鍾爲角 眷此尊祀實惟仲春青圭束帛克祀克禋

庶蒙嘉惠嗣續誥誥神之降鑒雲車來臻

太簇爲徵 倚歟祿宮祀典所貴粵自艱難禮或弗備

以迄于今始建壇壝願戒雲車歆此誠意

姑洗爲羽 春氣肇分萬類滋榮惟此祀事皆象發生  
求神以類式昭至誠庶幾來格子孫繩繩

升壇正安 有奕祿宮在國之南壇壝既設威儀孔嚴

登祀濟濟神兮顧瞻佑我皇祚宜百斯男

奠玉幣嘉安 青律載陽有馭頡頏祈我繁祉立子生

商三牲既薦玉帛是將克禋克祀有嘉其祥

奉俎豐安 祗祓祿壇潔蠲羊豕博碩肥膾爰具牲醴  
執事駿奔肅將俎几神其顧歆永錫多子

青帝位酌獻祐安

伏羲高辛酌獻並同

瑞駟至止祀事孔時酌

以清酒裸獻載祗神具醉止介我蕃禧乃占吉夢維

熊維羆

亞終獻文安 中春消吉歲事祿祠禮備樂作籩豆孔

時貳觴畢舉薦獻無違庶幾神惠祥啓熊羆

送神理安 嘉薦令芳有嚴禋祀神來燕娛亦既醉止

風馭言還栗然歛起以祓以除錫我蕃祉

景德祀九宮貴神三首

降神高安 倬彼垂象照臨下土躔次運行功德周普

九宮既位惟德是輔神之至上皇皇斯覩

奠玉幣酌獻嘉安 靈禋既肅明神既秩在國之東協

日之吉升歌有儀六變中律懷和萬靈降茲陰騭

送神高安 祇薦有常惟神無方回飈整馭垂休降祥

元祐祀九宮貴神二首

降神景安 六變 上天貴神九宮設位功德及物乃秩明

祀望拜紫壇赫然靈氣奠玉薦幣歆之無愧

送神景安 天之貴神推移九宮厥位靡常降康則河

來集于壇顧歆恪恭歌以送之飈靜旋穹

紹興祀九宮貴神十首

降神景安園鍾為宮 紫闕幽宏惟神靈尊輔成泰元

贊役乃坤曰雨曰暘緼諫調紛享薦隕光蒙祉如屯

黃鍾為角 載陽衍德農祥孔昭賚茲元服穰穰黍苗

象輿眇冥金奏遠姚無闕厥靈丹衷匪姚

太簇為徵 於赫九宮 神之貴煌煌處列下土是蒞

幽贊高穹陰騭萬類 若舊典有嚴祗事

姑洗為羽 練時吉良 崇明祀粢盛潔豐牲碩酒旨

肅唱和聲來燕來止嘉承天休賚及含齒

初獻升壇正安 於昭苾祀周旋有容歷階將事趨進

鞠躬改步如初沒階彌恭左城右平陟降雍雍

太一位奠玉幣嘉安 煌煌九宮照臨下土陰騭庶類



功施周普恪修祀典禮備樂舉嘉玉量幣馨非稷黍

攝提權星招搖天符青龍咸也太陰天乙位樂曲並同

奉俎豐安 靈鑿匪遠誠心肅祇是烝是享俎實孔時

禮行樂奏彤響是期雲車風馬神其燕娭

太一位酌獻嘉安 惟天丕冒處列九神財成元化陰

騰下民有酒斯旨登薦苾芬昭哉降鑿蕝祿來臻九位

並同

亞終獻文安 均調大化陰騰下民駿功有赫誕舉明

禋嘉觴中貳執事惟寅清明鬯矣福祿攸臻

送神景安 薦獻有序降登無違禮樂備舉昭格燕娭

雲卓縹緲神已還歸報以景貺翊我昌期

宋史卷一百三十三終

宋史卷一百三十四

樂志第八十七

開府儀同三司柱國錄軍國重事前中書右丞相監修國史領經筵事都總管龍圖閣直學士

皇明朝列大夫國子監祭酒 臣方從哲

承德郎右春坊右中允管國子監書 臣黃汝良等奉

勅重校刊

樂九 樂章二

太朝常享 郊前廟享 禘祫 皇后別廟 加上徽號

建隆以來祀享太廟一十六首

迎神禮安 肅肅清廟奉祠來詣格思之靈如在之祭

克謹威儀載嚴容衛降福孔皆以克永世

皇帝行隆安 工祝升階賓尸在位祇達孝思允修茲

祀顯相有儀克恭乃事儼恪其容通此精意

奠瓚用瑞木 木符啓瑞著象成文於昭太號協應明

君靈命有屬鴻禧洞分歌以升薦休嘉洽閭

又馭象 嘉彼馴象來歸帝鄉南州毓質中區效祥仁

格巨獸德柔遐荒有感斯應神化無方

又玉鳥 素鳥爰止淳精允臧名符瑞牒色應金方潔

白容與翹英奮揚孝思攸感皇德逾張

奉俎豐安 維犧維牲以魚以烹植其鞞鼓潔彼銅羹

孔碩茲俎於穆厥聲肅雍顯相福祿來成

酌獻僖祖室大善 湯湯洪河經啓長源鬱鬱嘉木挺

生本根大哉崇基出乎慶門發祥垂裕永世貽孫

順祖室大寧 元鍾九千生於仲呂崇臺九層起於累

土赫日之升明夷爲主孝孫作帝式由祖武

翼祖室大順 明明我祖積德攸宜肇繼爪虺將隆本

支爰資慶緒式昭帝基於穆清廟永洽重熙

宣祖室大慶 艱難積行緜長鍾慶同人之時得主乃

定旣叙宗祧乃修舞詠經武開先永昭丕命

太祖室大定 猗歟太祖受命于天化行區宇功溢簡

編武威震耀文德昭宣開基垂統億萬斯年

太宗室大盛 赫赫皇運明明太宗四隩咸暨一變時

雍睿文炳煥聖德溫恭千齡萬祀永播笙鏞

飲福禱安 嘉粟旨酒博膺牲牲拴神鑿孔昭享茲吉蠲

夙夜苾祀孝以奉先永錫純嘏功格于天

亞獻正安 已象文治乃觀武成進退可度威儀克明

終獻正安 常武徂征詩人所稱總于山立厥象伊凝

徹豆豐安 肥腍之牲既析既薦鬱鬯之酒已酌已獻

祝辭亦陳和奏斯徧享禮具舉徹其有踐

攝事十三首

降神理安

蕭蕭清廟昭事祖禰粢盛苾芬四海來祭

皇靈格思令容有睟降福孔皆以克永世

太尉行正安 裸鬯溥將賓尸在位帝德升聞孝思光

被公卿庶正傳御師氏至誠感神福祿來暨

奠瓚瑞安 溥清育物瑞木成文元氣陶冶非煙郁氛

玄貺昭格至和所熏登歌裸獻彤纓如聞

奉俎豐安 麗碑割牲以魚以烹博碩肥膋薦羞神明

祖考來格享于克誠如聞馨歆式燕以寧

酌獻僖祖室大善 肅肅藝祖肇基鴻源權輿光大燕

翼貽孫載祀惟永慶流後昆威靈在天顧我思存

順祖室大寧 思文聖祖長發其祥錫羨蕃衍德厚流

光眷命自天卜世聿昌祗肅孝享降福無疆

翼祖室大順 明明我祖積德累仁居晦匿曜邁種惟

勤帝圖天錫輝光日新寢廟繹繹昭事同寅

宣祖室大慶 泂泂我祖時惟鷹揚潛德弗耀發源靈

長肆類配天永思不忘來顧來享百福是將

太祖室大定 赫赫太祖受命于天赤符啓運威加八

埏神武戡難功無間然翼翼丕承億萬斯年

太宗室大盛 穆穆太宗與天合德昧旦丕顯乾乾翼

翼敷佑下民時帝之力永懷聖神孝思罔極

真宗室大明 煌煌真宗善繼善承經武耀德臻于治

平封祀禮樂丕昭鴻名陟配文廟皇圖永寧

徹豆豐安 鼎俎旣陳豆籩旣設金石在庭工師就列

備物有嚴著誠至潔孝惟時思禮以雍徹

送神理安 神之來兮風肅然神之去兮升九天排凌

兢兮還恍惚羽旄紛兮肅燿煙

真宗御製二首

奠瓚用萬國朝天 鴻源濬發睿圖誕彰高明錫羨累

洽延祥巍巍藝祖溥率賓王煌煌文考區宇大康珍

符昭顯寶曆綿長物性茂遂民俗阜昌甫田多稼禾

黍穰穰含生嘉育鳥獸踴踴八紘統域九服要荒沐

浴惠澤祗畏典常隔谷分壤望斗辨方並襲冠帶來  
奉圭璋峩峩雙闕濟濟明堂諸侯執帛天后當陽何  
以辨等衮衣繡裳何以褒德輅車乘黃聲明煥赫雅  
頌汪洋啓茲丕緒佑我無疆大統斯集大樂斯揚俯  
隆宗祐仰繼穹蒼

臣獻終獻用平晉樂 五代衰替六合携離封疆竊據  
兵甲競馳天顧黎獻塗炭可悲帝啓靈命濬哲應期  
皇祖丕變金鉞俄麾率土執贄曠俗來儀瞻彼大鹵  
竊此餘基獨迷文告莫畏天威神宗繼統璿圖有輝  
尚安蠢爾罔懷格思六飛夙駕萬旅奉辭後來發詠  
不陣行師雲旗先路壺漿塞岐天臨口照宸慮通微  
前歌後舞人心悅隨要領自得智力何施風移僭冒  
政治淳熙書文混一盛德咸宜干戈倒載振振言歸  
誕昭七德永定九圍

真宗告饗六首

告受天書瑞安 寶命自天鴻禧錫祚昭晰綠文氤氲  
黃素玄感薦彰靈休誕布寅奉珍符聿懷永慕

太祖太宗加上尊諡顯安 報貺陟封聿昭典禮讓德  
穹厚歸功祖禰丕顯尊稱盡善盡美寅威孝思以介  
蕃祉

東封畢躬謝酌獻封安 奕奕清廟錫羨詒謀升中神  
嶽顯允皇猷歸格藝祖昭報靈休奉先追遠盛德益  
修

祀汾陰畢躬謝酌獻顯安 於昭列聖休德清明威靈  
如在享于克誠報功厚載馨薦惟精歸格飲至禮備  
樂成

聖祖降親告瑞安 於赫聖祖景靈在天神遊來暨聳  
容穆然誨言昭示帝胄開先齊明欽若延鴻億年

六室加謚顯安 欽崇太霄肅奉徽冊大禮克誠鴻猷  
有赫令芳爰薦明靈斯格昭謝垂祥永懷何極

景祐親享太廟二首

迎神興安 追養奉先納孝練主金奏鳳鳴關雎樂舞  
奠鬯恭神肥膋展俎積慶聰明降景寰宇

酌獻真宗室大明 於穆真皇宅心道粹和戎燕革煥  
乎文治操瑞拜圖封天祀地盛德爲宗烝嘗萬世

至和祫享三首

迎神興安 濡露降霜永懷孝思裕食諦叙再闡之期  
歌德詠功八音播之歆神惟始靈其格茲

奠瓚嘉安 昭穆親祖自室徂堂禮備樂成肅然祿將  
瑟瓚黃流條鬯芬芳氣達淵泉神孚來享

送神興安 四祖基慶三后在天薦侑備成靈娛其旋  
孝孫應嘏受福永年送之懷之明發惻然

嘉祐禘享二首

迎神懷安 躬茲孝享禮備樂成神登于俎祝導于祔  
展牲肥膋奏格和平靈其昭格肅儉凝情

送神懷安 靈神歸止光景肅然福祥裕世明威在天  
孝孫有慶駿烈推先佑茲基緒彌萬斯年

熙寧以後享廟五首

酌獻英宗室大英 在宋五世天子嗣昌躬發英斷若  
乾之剛聲容法法被于八荒垂千萬年永烈有光

送神興安 鍾鼓惟旅籩豆孔時術我祖宗既右享之  
神亟來止孝孫之喜神保聿歸孝孫之思

禘祫孟享臘享宗正卿升殿正安 進退有容服章有  
儀匪亟匪遲降登孔時

禘享仁宗大和 於穆仁廟聖澤滂流華夷用乂動植  
蒙休徽名冠古奕世垂謀帝躬裸獻盛典昭修

英宗大康 赫赫英皇總提邦紀濬發神功恢張聖理  
仙馭雖遙鴻徽下弭永言孝思竭誠躬祀

常祀五享三首

迎神興安九變 奕奕清廟昭穆定位霜露增感粢盛潔



祭神靈來格福祉攸暨追孝奉先本支百世

大尉奠瓚嘉安 有秩時祀匪怠匪瀆有來宗主載祇

載肅厥作裸將流黃瓚玉是享是宜永綏多福

送神興安 皇祖皇考配帝配天駿奔顯相神保言旋

祝以孝告嘏以慈宣去來永慕宗事惟虔

紹興以後時享二十五首

迎神興安黃鍾為宮 奉先嚴祀率禮大經時思致享

肅薦芳馨竭誠備物樂奏和聲真馭來止熙事克成

大呂為角 聖靈在天九關崇深風馬雲車紛其顧臨

擁祥儲休昭答孝心孝孫受祉萬福是膺

大簇為徵 嘉承和平秩祀為先乃練休辰祝史告虔

內心齊明祀具吉蠲交際恍惚如在後前

應鍾為羽 道信於神神靈燕娛酒有嘉德物惟其時

緩節安歌樂奏具宜欣欣樂康福祿綏之

奉俎豐安 王假有廟子孫保光奉牲以告玉俎膏香

專精厲意神其迪嘗休承靈意申錫無疆

初獻盥洗正安 恪恭祀典消選休成設洗致潔直于

東榮嘉觴祇薦明德惟馨祖考來格享茲孝誠

升殿正安 冠佩雍容時惟上公享于清廟陟降肅恭

邊豆靜嘉粢盛潔豐孝孫有慶萬福來同

禧祖室酌獻基命 於穆文獻自天發祥肇基明命錫

羨無疆子孫千億宗社靈長神之格思如在洋洋

宣祖室酌獻天元 天啓炎曆集我大命長發其祥篤

生上聖夷亂芟荒乾坤以定時祀聿修孝孫有慶

太祖室酌獻皇武 赫赫藝祖受天明命威加八紘德

垂累聖祀事孔明有嚴笙磬對越在天延休錫慶

太祖室酌獻大定 明明在上時維太宗允武允文丕

基紹隆於肅清廟昭報是豐皇靈格思福祿來同

真宗室酌獻熙文 於穆真皇維烈有光丕承二后奄

奠萬方威加戎狄道格穹蒼歆時禋祀降福無疆

仁宗室酌獻美成 至哉帝德乃聖乃神恭已南面天

下歸仁歷年長久垂裕後人祀修舊典寶命維新

英宗室酌獻治隆 炎基克鞏赫赫英宗紹休前烈仁

化彌隆篤生聖子堯湯比蹤烝嘗萬世福祿來崇

神宗室酌獻大明 於昭神祖運撫明昌肇新百度克

配三王遐荒底績聖武維揚永言執競上帝是皇

哲宗室酌獻重光 於皇濟哲邁駿有聲率時昭考丕

顯儀刑功光大業道協三靈永綏厥後來燕來寧

徽宗室酌獻承元 天錫神聖徽柔懿恭垂衣拱手遵

制揚功配天立極體道居中佑我烈考萬福攸同

欽宗室端慶

於皇欽宗道備德宏允恭允儉克類克

明孝遵前烈仁翊函生歆茲肆祀永燕宗祫

高宗室大德

於皇時來自天保定高宗受之再僕景

命紹開中興翼翼善傳聖何千萬年永綏厥慶

孝宗室大倫

聖人之德無加於孝思皇孝宗履行立

教始終純誠非曰笑貌於萬斯年是則是倣

光宗室大和

維宋治熙帝繼于理萬姓厚生三辰順

軌對時天休以燕翼子肅唱和聲神其有喜

文舞退武舞進正安

肅肅清廟於顯維德我祀孔時

我奏有翼秉翟載駿有來于戚神之燕娛休祥允格

亞終獻文安

觀德宗祐奕世烈光有嚴祀典粵循舊

章樂諧九變獻舉重觴燕娛如在戩穀穰穰

徹豆恭安

禮備樂成物稱誠竭相維辟公神人以說

歌雍一章諸宰斯徹天子萬年無競維烈

送神興安

霜露旣降時思展禋在天之御睠然顧歆

樂成禮備言歸靡停旣安旣樂福祿來成

禋享八首

迎神興安黃鍾宮

時維孟冬霜露旣零合食盛禮以

時以行孝心翼翼惟神來寧肅倡斯舉神具是聽

大呂角

於穆孝思嘉薦惟時誠通茲格咸來燕娛神

之聽之申錫蕃釐於萬斯年永保丕基

太簇徵 於昭孝治通乎神明寒暑不忒熙事備成牲  
牲孔碩黍稷惟馨以享以祀來燕來寧

應鍾羽 苾芬孝祀薦灌肅雍致力於神明信咸通靈  
之妥留惠我龐鴻廣被萬寓福祿攸同

初獻順祖酌獻大寧 於赫皇祖濬發其祥德盛流遠  
奕世彌昌孝孫有慶嘉薦令芳神保是享錫羨無疆  
翼祖酌獻興安 上天眷命佑我不丕基翼翼皇祖不耀  
其輝積厚流長福祿攸宜祀事孔時曾孫篤之

光宗室酌獻大承 於皇光宗握符御極昭哉嗣服惟

仁與德勤施於民靡有暇逸萬年之思永奠宗祏

送神興安 合祭大事因時發天翼翼孝思二獻禮虔

神兮樂康颺馭言旋永福後人於千萬年

上仁宗英宗徽號一首

入門升殿顯安 於穆仁祖寵綏萬方執競英考迄用  
成康圖徽寶冊有烈其光庶幾億載與天無疆

上英宗尊號一首

入門正安 在宋五世天子神明群公奉冊迺揚鴻名  
金書煌煌適昭厥成思皇多祐與天同聲

增上神宗徽號一首 哲宗朝製

升殿顯安 於惟禰廟乃聖乃神秉文之士作起惟新  
建宮稽古一視同仁庶幾備號以享天人

紹興十四年 上徽宗冊寶三首

冊寶入門顯安 於鑠徽考如天莫名迨茲丕揚擬純

粹精溫 鏤文來至于祔有嚴奕奕禮備樂成

冊寶升殿顯安 金字煌煌瑤光燦燦群工奉之登此

寶殿對越祖宗式遵成憲威靈在天來止來燕

上徽號顯安 惟精惟一乃聖乃神鴻名克揚茂實斯

賓如禹之功如堯之仁孝思永慕用詔無垠

淳熙十五年 上高宗徽號三首

冊寶入門顯安 於穆高皇功德兼隆稱天以誅初謚

未崇載稽禮典揚徽垂鴻洎日之良登進廟宮

冊寶升殿顯安 有瑑斯寶有編斯冊導以麾仗奏以

金石祱威盛容煌煌赫赫臣工奉之高靈來格

上徽號顯安 中興之烈高掩商宗揖遜之美放勳比

隆字十有六擬諸形容威靈在天裕後無窮

慶元三年 奉上孝宗徽號三首

冊寶入門顯安 巍巍孝廟聖德天通同符藝祖克紹

高宗有儀有冊載推載崇鏤玉繩金登奉祐宮

冊寶升殿顯安 文金晶熒冊玉輝潤統紹乎堯德全

于舜勤崇推高子孝孫順冠德百王萬年垂訓

上徽號顯安 金石充庭珩璜在列繪畫乾坤形容日

月巍巍功德顯顯謨烈垂億萬年鴻徽昭揭

高宗郊祀前朝享太廟三十首

皇帝入門乾安後還前殿並同於皇我后祗戒專精假於有

廟祖考是承趨進惟肅俊思惟誠神之聽之來燕來

寧

皇帝升殿乾安請室降殿並同皇皇大宮丕顯於穆休德昭

清元氣回復芝葉蔓茂桂華馮翼孝孫假斯受茲介

福

盥洗乾安 維皇齊精融假于廟觀盥之初惟以潔告

衍承祖宗恤祀昭孝誠心有孚介福斯報

迎神興安 秬鬯既將黃鍾具奏肅我祖考祗栗以俟

監觀于茲雲車來下

尚書奉俎豐安 有頌其牲登于大房肅展以享庶幾

迪嘗匪脂是告我民其康保艾爾後垂休無疆

皇帝再盥洗乾安 盥至于再潔誠愈孚帝用祗薦靈

咸嘉虞騰歌臚歡會于軒朱觀厥顒若受福之符

僖宗室酌獻基命 思文禧祖基德之元皇武大之受

命于天積厚流光不已其傳曾孫篤之於萬斯年

翼祖室酌獻大順 天命有開維仁是依迺瞻冀邦于

以顧之其顧伊何發祥肇基施于孫子虔奉孝思

宣祖室天元 昭哉皇祖源深流長雕戈圭瓚休有烈

光天祐潛德繼世其昌永懷積累嘉薦令芳

太祖室皇武 爲民請命皇祖赫臨天地並貺億萬同

心造邦以德介福宜深挹彼惟旨真游居歆

太宗室大定 皇矣太宗嗣服平成益奮神旅再征不

庭文武秉德仁孝克明以聖傳聖對越紫清

真宗室熙文 思文真宗體道之崇懔威赫靈遵制揚

功真符鼎來告成登封盛德百世於昭無窮

仁宗室美成徽宗御製 仁德如天徧覆無偏功濟九有恩

涵八埏齊民受康朝野晏然擊壤歌謠四十二年

英宗室治隆 穆穆英宗持盈守成世德作求是續是

承齊家睦族偃武恢文於薦清醕酌之欣欣

神宗室大明 烝哉維后繼明體神稽古行道文物一

新潤色鴻業垂裕後人靈旂沛然來燕來寧

哲宗室重光 明哲煌煌照臨無疆紹述先志寔宣重

光詒謀燕翼率由舊章苾芬孝祀降福穰穰

徽宗室承光御製 於皇烈考道化聖神堯聰舜孝文恬

武忻命于出震遺駿上賓罔極之哀有古莫倫

降殿乾安 明德惟馨進止回復揚襲安恭嚴若惟谷

誠意昭融群工袂屬成此殿容生乎齊肅

入小次乾安 於皇我后祇戒專精躬製聲詩文思聰

明雍容戾止玉立端誠神聽如在福祿來寧

文舞退武舞進正安 八音諧律綴兆充庭進旅退旅

肅恭和平盛薦祖宗靈監昭升象功崇德通觀厥成

亞獻正安 威神在天享于克誠申以貳觴式昭德馨

籩豆孔嘉樂舞具陳庶幾是聽福祿來成

終獻正安 疏幕三舉誠意一純孰陪予祀公族振振

神具醉止燕煠窈窕於萬斯年綏我思成

皇帝出小次乾安 夙戒告備禮節俯成妥侑惟乾氛

氲夜澄有嚴有翼列聖靈承於穆清闕肅肅無聲

皇帝再升殿詣飲福位乾安 維皇親享至再至三禮

備樂奏層陛森嚴粲盛芳潔酒醴旨甘雲車風馬從

衛觀瞻

飲福禮安 赫赫明明維祖維宗鑒于文孫維德之同

日靖四方亦同其功億萬斯年以承家邦

還位乾安 帝既臨享步武鳴鸞陟降規矩顛昂周旋

登歌一再典禮莫愆神之聽之祉福絲絲

尚書徹豆豐安 熙事既成嘉慶告徹洋洋來臨藹藹



布列配帝其功在天對越允集叢釐萬邦和悅

送神興安 神之來游風馬雲車淹留彷彿顧瞻歆歆

神之還歸鈞天帝居監觀于下何福不除

降殿乾安 於皇上天欽哉成命集于冲人不承列聖

爰熙紫壇于廟告慶盼嚮潛通休祥薦應

還大次乾安 盛德豐功一祖六宗欽翼燕詒禋享是

崇厲意齊精假廟惟恭率禮周旋福祿來同

寧宗朝享三十五首

皇帝入門乾安 王假有廟四極駿奔鼎俎宵嚴虞箕

雲屯積厚流廣德隆慶蕃是則是繩保我子孫

升殿乾安 於穆清宮奕奕孔碩芝莖蔓秀桂華馮翼

八簋登列六瑚賁 至皇代擁慶啓佑千億

盥洗乾安 天一以清地一以寧維皇精專承神明靈

娥御墮津瀆祗揚溟盥事允嚴先祖是聽

詣室乾安 丹楹雲深芳勺宵奠樂華淳鬯禮文炳綯

有容有儀載肅載見維時緝熙世世以燕

還位乾安 旅楹有閑人神允叶福以德昭饗以誠接

六樂宣揚百禮煒燁對越在天流祚萬葉

迎神興安九變黃鍾為宮 咸英備樂簋席列聿詩歌安

世聲叶皇雅翠旗羽蓋雲車風馬神其來兮以燕以

下

大呂爲角 勾陳旦闢閭闔夜分軫風挾月車駟凌雲  
瑞景晡霽神光耀煜神其來兮以留以忻

太簇爲徵 穆穆紫幄璜璜清宮旱麓流詠鳧鷖叶工  
道闕詒燕業綿垂鴻神其來兮以康以崇

應鍾爲羽 文以謨顯武以烈承聖訓之保祖武之繩  
有肅孝假式嚴衍烝神其來兮以宜以寧

捧俎豐安 簋豆薦牲釔邊實饋其俎孔庶吉蠲爲饗  
惟德達馨以忱以貴神既佑享祉貺來暨

再詣盥洗乾安 精粹象天明清鑒月再御茲盥益致  
其潔齊容顯若誠意洞徹百禮允洽率禮不越

真宗室熙文 天地熙泰躋時昇平闡符建壇聲容文  
明君臣賡載夷夏肅清本支百世持盈守成

仁宗室美成 在宋四世天子聖神用賢致治約已裕  
民海內富庶裔夷肅賓四十二年堯舜之仁

英宗室治隆 明明英后仁孝儉恭丕顯丕承增光祖  
宗繼志述事遵制揚功萬邦作孚盛德形容

神宗室大明 厲精基治大哉乾剛信賞必罰內修外  
攘禮樂法理號令文章作新之功度越百王

哲宗室重光 於皇我宗世有哲明元祐用人適駿有

聲紹述先志思監于成受天之祐王配于京

徽宗室承元 帝撫熙運晏粲協期禮明樂備文恬武

嬉道光授受謀深燕詒駿命不易子孫保之

欽宗室端慶 顯顯令主輝光日新奉親以孝綏下以

仁兢兢業業誕保庶民於穆不已之德之純

高宗室大德 昊天有命中興復古治定功成脩文偃

武德隆商宗業閔漢祖付託得人系堯之緒

孝宗室大倫 藝祖有孫聰睿神武紹興受禪歸尊于

父行道襲爵百度脩舉聖德曰孝光于千古

光宗室大和 維宋洽熙帝繼于理萬姓厚生三辰順

軌對時天休以燕翼子肅唱和聲神其有喜

還位乾安 在司之庭設業設虞酒醴惟醑爾殺伊脯

帝觴畢勺天步旋舉丕顯丕承念茲皇祖

降殿乾安 黼幄蟬蛸騰旂燕寧尊彝獻裸瑚簋陳薦

眎儀天旋淳音韶變適求厥寧福祿流羨

入小次乾安 皇容肅祇天步舒遲對越惟恭敬事不

遺陟降蒞止永言孝思上帝臨女日監于茲

文舞退武舞進正安 明庭承神軌磬祝啟玉稍飾歌

佾綴維旅旣肖厥文復象乃武祖德宗功惟帝時舉

亞獻正安 尊卑星陳疊幕雲舒來貳變觴玉珮瓊琚

相予嚴祀秉德有初對揚王休何福不除

終獻正安 秉德翼翼顯相肅雝踧躅三舉誠意益恭

光燭黼繡和流笙鏞子孫衆多福祿來從

出小次乾安 廟楹邃嚴夜景藻清文物炳彪禮儀熙

成帷宮載敞珮珩有聲帝復對越將受厥明

再升殿乾安 明明維后詒厥孫謀系隆我漢陳錫哉

周以孝以饗世德作求介以繁祉萬邦咸休

飲福乾安 玉瓚黃流有飶其香來假來享降福穰穰

我應受之湯孫之祚有百斯男福祿無疆

還位乾安 聖圖廣大宗祊光輝假于有廟帝命不違

儂若不慕夙夜畏威嘉樂君子福祿祁祁

徹豆豐安 升饌有章卒食攸序庭鏞金奏凱收鉶宮

其獻惟成其餼維旅禮洽慶流皇祖之祐

送神興安 珠幢煥黃神既燕娛監觀于下福祿來宜

雲車風馬神保聿歸啓佑我後福祿來爲

降殿乾安 聖有謨訓詒謀燕翼奉天酌祖萬世維則

維皇孝熙乾乾夕惕禮既式旋惟福之錫

還大次乾安 王假有廟對越在天帷宮旋御率禮不

愆恭時展祠雲陽奉瑄齊居精明益用告虔

理宗朝享三首

萬曆二十七年刊

宋史卷三百五十四

樂志

十九

皇帝升降乾安 於皇祖宗清廟奕奕威靈在天不顯

惟德垂裕鴻延詒謀燕翼孝孫格斯受祉罔極

迎神興安九奏 秬鬯既將黃鍾具奏瞻望真游優若

有慕於皇列聖在帝左右雲車具來以妥以侑

寧宗室大安 帝德之休恭儉淵懿三十一年謹終如

始升祔在宮祖功並美民懷有仁何千萬世

高宗祀明堂前朝享太廟二十一首

皇帝入門乾安 於皇我后祗戒專清齊肅有容祖考

是承造次匪懈孝思純誠神聽有格福祿來寧

升殿乾安 肅哉清宮頌珠照幄神之來思八音振作

赤鳥龍章奉玉惟恪匪今斯今先民時若

盥洗乾安 於皇維后觀盥之初精意昭著既順既愉

圭鬯承祀卿士咸趨日視心化四方其孚

迎神興安 洵選休成祖考是享夙夜專精求諸惚恍

洋洋在上惟神之仰鬯矣清明應之如響

捧俎豐安 來相于庭鳴錡鏘鏘奉牲而告登彼雕房

非牲之備民庶是康神依民聽上帝斯皇

僖祖室酌獻基命 何慶之長實兆于商由商太戊子

孫其昌皇基成命宋道用光詒厥孫謀膺受四方

翼祖室大順 上帝監觀維仁是依繼世脩德皇心顧

之其顧伊何在彼冀方施于子孫降福穰穰

宣祖室酌獻天元 昭哉皇祖駿發其祥雕戈圭瓚盛

烈載揚天錫寶符俾熾而昌神聖應期赫然垂光

太祖室皇武 猗歟皇祖下民攸歸膺帝之命龍翔太

微戎車雷動天地清夷戡戡奉璋萬世無違

太宗室太定 煌煌神武再御戎軒時惠南土旋定太

原車書混同聲教布宣維天佑之億萬斯年

真宗室熙文 於皇真宗體道之崇游心物外應迹寰

中四方既同化民以躬清淨無爲盛德之容

仁宗室曲同郊祀送神

英宗室治隆

噫我大君嗣世修文維文維武提繼虞

勲天錫丕祚施于後昆於薦清醑酌之欣欣

神宗室大明 丞哉維后繼明體神憲章文武宜民宜

人經世之道功格于天子孫嚴祀無窮之傳

哲宗室重安 明哲煌煌照臨無疆丕承先志嘉靖多

方朝廷尊榮民庶樂康珍符來應錫茲重光

徽宗室承元 聖考巍巍光紹丕基禮隆樂備時維純

熙天仁兼覆皇化無爲功成弗處心潛希夷

文舞退武舞進正安 作樂合祖奠簋在庭衆奏具舉

肅雝和鳴神靈來格庶幾是聽皦繹以終永觀厥成

亞獻正安 威神在天來格于誠既載清酤有聞無聲  
相予熙事時賴宗英肅肅雖雖允協思成

終獻正安 疏幕三舉誠意一純孰陪予杞公族振振  
明靈來娛樂舞具陳奉神所佑昭孝息民

飲福禱安 赫赫明明德與天通施于孫子福祿攸同  
日靖四方民和年豐有秩斯祜申錫無窮

徹豆豐安 歆我齊明威德如存牲牲是享圭玉其溫  
群公執事亦既駿奔禮成告徹咸福黎元

還大次乾安 神明既交恍若有承欽翼齊莊福祿具  
膺王業是興祖武是繩佑我億年以莫不增

孝宗明堂前享太廟三首

徽宗室酌獻承元 明明徽祖撫世升平制禮作樂發

政施仁聖靈在天德澤在民億萬斯年保佑後人

高宗室大德 於皇時宋自天保定高宗受之再僕景

命紹開中興翼善傳聖何千萬年永綏厥慶

還大次乾安 禮既行矣樂既成矣維祖維妣安且寧

矣皇舉玉趾佩鏘鳴矣拜貺總章于厥明矣

理宗明堂前朝享二首

寧宗室奠幣定安 皇矣昭考聖靈在天稱秩宗祀有

嚴恭先奉幣以薦見之優然仁深澤厚厥光以延

酌獻考安 假哉皇考必世後仁嘉靖我邦與物皆春  
之純之德克配穹旻餘慶淵如佑我後人

皇后廟十五首

迎神肅安 闕宮翼翼雅樂洋洋牲器肅設几筵用張  
飾以明備秩其令芳神兮來格風動雲翔

太尉行舒安 服章觀象山龍是則容止踳踳威儀翼

翼

司徒捧俎豐安 徹 恪恭奉祀祗薦犧牲九成爰奏有

俎斯盈

酌獻孝明皇后室惠安 祀事孔明廟室惟肅銅登籩

豆金石絲竹既灌既薦允恭允穆奉神如在以介景  
福

孝惠皇后室奉安 初陽作配內助惟賢柔順中積英

徽外宣神宮有血明祀惟虔歆誠降祐於萬斯年

孝章皇后室懿安 倚那淑聖象應資生配天作合與

日齊明椒宮垂範彤史揚名聿修茲祀永奉染盛

懿德皇后室順安 王門稟慶帝族惟賢功存內治德

協靜專流芳圖史垂範絃絃新廟有血祀禮昭然

淑德皇后室嘉安 明明英媛德備椒庭邊豆有踐黍

稷匪馨靜嘉致薦容與昭靈精意以達顧享來寧



莊穆皇后室理安

曾孫襲慶采祇育德正位居體其

儀不忒教被宮壺化行邦國祝史正辭垂裕無極

莊懷皇后室永安

淑德昭著至樂和平登豆在列簪

香薦誠六變合禮八音諧聲穰穰景福佑我休明

元德皇后廟興安

為太宗后為天下母誕聖繼明膺

乾作主玉振金相蘭芬桂芳於萬斯年永奉烝嘗

飲福禧安

彝尊鬯酒慶佑遂行介以純嘏允荅明誠

亞獻恭安

宗臣率禮步玉鏘鏘吉蠲斯獻百祿是將

終獻順安

薦獻有終禮容斯穆以奉嘉觴以膺多福

送神歸安

明禋告畢靈輅難留升雲杳邈整馭優游

誠深嘉栗禮罄欽修豐融垂佑以永洪休

景佑以後樂章六首

章獻明肅皇太后室奠瓚達安

肅肅闕宮順時薦事

鬱鬯馨香如見於位

酌獻厚安

祥標曾麓德合方儀萬方展養九御蒙慈

孝恭祊祐美播聲詩淑靈顧享申錫惟祺

章懿皇太后室奠瓚報安

青金玉瓚裸將于京永懷

罔極夙夜齊明

酌獻衍安

翊佑先朝章明壺教淑順謙勤徽音在劭

樹風不止劬勞匪報黍稷令芳嘏茲乃告

奉慈廟章惠皇太后室奠瓚翁安 禋主既陳酌鬯斯

醇音容彷彿奠獻惟寅

酌獻昌安 內輔先猷夙昭壺則保祐之勞慈惠其德

榮養有終芳風無極享獻闕宮載懷悽惻

真宗汾陰禮畢親謝元德皇后室三首

迎神肅安 闕宮奕奕韶樂洋洋牲幣虔布几筵肅張

醴泉淳美嘉有潔香俟神來格降彼帝鄉

奉俎豐安 樂鏗金石俎奉犧牲九成斯奏五教爰行

送神理安 鸞駉復整鶴駕難留白雲縹緲紫府深幽

廟雖載止神無不游垂祐皇宋以永鴻休

元德皇后升祔一首

顯安之曲 顯矣皇妣德侔柔祇升祔太室協禮之宜

耀彼寶冊列之尊彝惟誠是厚永祐慶基

崇恩太后升祔十四首

入門顯安 覩天生德作配元符儀刑壺則輔佐帝圖

登崇廟祐勒號璠璣烝嘗億載皇極之扶

神主升殿顯安 日嬪于京天作之配進賢審官克勤

其志於穆清廟本仁祖義億萬斯年神靈攸暨

迎神興安四章黃鍾宮二奏 闕官有血堂筵屹崇靈

徽匪遐精誠感通苾芬維時登茲明祀泠然雲車有

來其馭

大呂角二奏 羽旌風翔翠旒飄舉儼其音徽登茲位  
處笙鏞始奏合止祝啟是享是宜永求伊祐

太簇徵二奏 枚枚闕宮鼎俎肆陳烝昇明靈登其嘉  
新鼓鍾既戒旨酒既醇攸介攸止純禧薦臻

應鍾羽二奏 旨酒嘉肴于登于豆是享是宜樂既合  
奏衍我懿德執事溫恭靈兮允格有翼其從

疊洗嘉安 列爵陳俎芬芳和羹擬金擊石洋洋和聲  
禮行伊始我德惟明既盥而往於昭斯誠

升降殿熙安

笙簫紛如陟被廟庭鏘鏘佩玉懷茲先

靈神保聿止音容杳杳繁禱是介萬年惟寧

酌獻茲安 雝雝玉佩清酌惟良粢盛具列有飶其香  
懷其徽範德洽無疆於茲燕止降福穰穰

亞獻神安 嬪于潛邸爰正坤儀關雎化被思齊名垂  
柔德益茂家邦以熙阜心追崇永羞牲粢

退文舞進武舞昭安 翩然于戚揚庭陳階文以經緯  
武以威懷其張其弛節與音諧迄茲獻享妥靈綏來

終獻儀安 珩璜之貴禕禴之尊天作之合內治慈溫  
元良鍾慶祉福乾坤以享以祀事亡如存

徹豆成安 銷洋純繹於論鼓鍾周旋陟降齊莊肅容

維疊旣旨維邁伊豐歌徹以雍介福來崇

送神興安 黍稷維馨虞業充庭旣欽旣戒靈心是承

顧予烝嘗言從之邁申錫無疆是用大介

上冊寶十三首

冊寶入門隆安 威儀皇止庶尹在庭爰舉徽章適觀

厥成勒崇揚休寫之瓊瑛迄于萬祀發聞惟馨

冊寶升殿崇安 有猶有言順承天則聿崇號名再揚

典冊朱英寶函左右翼翼千秋萬歲保茲無極

迎神歆安黃鍾宮 邁豆大房犧尊將將馨香旣登明

靈迪嘗其樂伊何吹笙鼓簧靈來燕娛降福無疆

大呂角二奏 吉蠲惟時禮儀旣備奉璋戔戔群公在

位神之格思永錫爾類展彼令德於焉來暨

太簇徵二奏 雍雍在宮翼翼在庭顯相休嘉肅雍和

鳴神嗜飲食明德惟馨綏我思成式燕以寧

應鍾羽二奏 犧牲旣成邁豆有楚撻金擊石式歌且

舞追懷懿德令聞令儀靈兮來格是享是宜

疊洗嘉安 嘉肴旨酒潔粢豐盛旣盥而往以我齊明

有孚顒若黍稷非馨神之格思享于克誠

升降熙安 佩玉鏘鏘其來雝雝陟降孔時步武有容

裕茲祀事神罔時侗綏我邦家福祿來崇

酌獻明安 旨酒嘉粟有飶其香衍我淑靈歆此令芳

德貽彤管號正椒房神具醉止降福穰穰

退文舞進武舞昭安 籥翟既陳于戚斯揚進旅退旅

一弛一張其儀不忒容服有光以宴以娛德音不忘

亞終獻和安 望高六宮位應四星輔佐君子警戒相

成禕衣褒崇琛冊追榮于以奠之有椒其馨

徹豆成安 濯濯其英殖殖其庭有來群工賚我思成

嘉肴既將旨酒既清雍徹不遲福祿來寧

送神歆安 禮儀既備神保聿歸洋洋在上不可度思

神之來兮盼蠻之隨神之去兮休嘉是貽

上欽成皇后冊寶六首

入門升殿顯安 上帝錫羨寔生婉淑輔佐神皇寵膺

天祿誕育泰陵劬勞顧復於昭徽音久而彌郁

迎神歆安 於顯惟德徽柔懿明嬪于初載有聞惟馨

肆我鼓鍾萬舞在庭神保是格來止來寧

盥洗嘉安 有煒柔儀率履不越惠于初終既明且達

我將我享相盥乃登胡臭亶時攸介攸寧

升降熙安 苾苾其芳殺核維旅陟降孔時有秩斯所

雍容內化維神之明明則不渝綏我思成

酌獻明安 天維顯思有相于內右賢去邪夙夜儆戒

猗歟追冊重翟禕衣既右享之百世是儀

亞終獻和安 酌彼玉瓚有椒其馨醴假無言雍容在

庭生莫與崇於赫厥聲祀事孔明神格是聽

上明達皇后冊寶五首

迎神歌安 恭儉宜家柔順承天德昭彤管憂在進賢

寶冊禕翟追榮壽原四時裸享何千萬年

酌獻明安 洎宮有嚴廣樂在庭鍾鼓筦磬九變既成

縮茅以獻潔秬惟馨靈遊可想來燕來寧

退文舞進武舞昭安 秉翟竣事萬舞攬金總千揮戚

節以鼓音禮容有煒彤蠻來歆淑靈是聽雅奏愔愔

徹豆成安

登獻罔愆俎豆斯徹神具醉止禮終樂闋

御事既退珊珊佩玦介我繁祉歆此蠲潔

送神歌安

備成熙事虛徐翠楹神保聿歸雲車夙征

鑒我休德神交惚恍留祉降祥千秋是享

紹興別廟樂歌五首

升殿崇安

新廟肅肅蕝事以時陟降階城雍容有儀

鞠躬周旋罔敢不祇祝史正辭靈其格思

奉俎肅安

肇巖廟祀爰圖遺芳物必稱德或陳或將

有緝其儀有苾其香靈兮來下割烹是嘗

懿德皇后室酌獻明安 曾沙表慶正位椒庭徽音杳

魏宮壺儀刑虔修祀事清酌惟馨縮以包茅昭格明靈

亞終獻嘉安 霄漢月墜郊原露稀徽音如在延佇來歸有酒既清累觴載祇神具醉止燕衍怡怡

徹豆寧安 僊馭弗返眇邈清都薦此嘉穀既豐既腴奠享有成鼓樂愉愉徹我豆籩率禮無踰

乾道別廟樂歌三首

詣廟乾安 消選休辰于秋之杪既濟既戒爰假祖廟有恤儀坤舊章是倣享祀奚為天子純孝

升殿乾安

宗祀九筵先薦闕宮陟自東階煌煌衣龍

於穆聖善監茲禮容是享是宜介福無窮

懿節皇后室酌獻歆安 丕顯文母厚德維坤僊馭雖邈徽音固存瑟彼玉瓚酌此鬱尊簡簡穰穰裕我後昆

紹興別廟二首

安穆皇后室酌獻歆安 祥發倪天符彰夢日有懷慈容孝享廟室恭尊是酌旨酒嘉栗靈其格思祚以元吉

安恭皇后室酌獻歆安 美詠河洲德嬪媯泂徽音如存肇修已事縮以包茅酌以醴齊靈來顧歆降福攸

備

紹興二十九年顯仁皇后祔廟一首

酌獻歆安 恭惟聖母躋祔孔時陳羞宗祐徽福坤儀  
鐘鼓惟序牲玉載祗於皇來格永介丕基

開禧三年成肅皇后祔廟一首

酌獻歆安 天合重華內治昭融承承繼繼保佑恩隆  
歸從阜陵登祔太宮燕我後人福祿來崇

宋史卷一百三十四終



